



IKUGAFONO

**FONO FAKAMUA
13– 15 MATI 2019
ATAFU**

MATAKUPU	Pahina
1. Tofiaga ma te Fakatautoga o te Takitakifono/Hui Takitakifono Fono Fakamua 2019 ma na Hui Fono Fakamua	4
2. Fakalahiga ma te Huiga o na Ma ma na Mahini o te Sola	4
3. Fakaleleiga o te Auala Hima i Nukunonu	4
4. Galuega mo na Auala	5
5. Iloiloga o te Paketi Tupe 2018/2019	5
6. Talohaga Tupe mo te Fakakopega ma te Fakameafalega o te Falemai i Fakaofo	6
7. Hainiga o te Hukegatuhi o te Tala o te Tupe 30 Juni 2015	7
8. Lipoti o Galuega Fakaauau a te Malo	7
9. Alauni e Totogi i Tokelau	8
9.1 Alauni Kelekelea	17
10. Fakahekega o na Tautuaga a Lomaloma ki te Taupulega Atafu	17
11. Lipoti o te Hikimi Hikolahipi	17
12. Na totogi o na Konekalate i fafo o te Fakavaka Fou o na Fakamanuiaga o te Kaufaigaluega a Tokelau	17
13. Fakahekega o na Tauhaga Litaea	18
14. Pahehe Vaka o ki latou e he ni Tino Tokelau	18
15. Iloiloga o te Tofi Pule Fakahoa	18
16. Iloiloga o na Fakamanuiga o na Taupulega	18
17. Fakamanuiaga o na Komehina Tulafono, na Faipulega ma na Pulenuku	19
18. Tofi Takitakifono mo te Komiti Fakafoe o te Teuga Tupe Fakavaomalo a Tokelau	19
19. Huiga ki na Tulafono i te Fauhaga o na Hitene mo Fakamaumauga tau Tupe	19
20. Fakatu Tulafono mo na Tino Tautua Fakapitoa i na Tautuaga Tau te Ola Malolo 2019	20
21. Fakatu ke Huia na Tulafono Atunuku mo te Tauhaga e inu pia ai he Tino; Tauhaga Ulaula ma te Tauhaga Aoga	20
22. Tiute Patino mo na Hui Fono Fakamua o Tokelau	20
23. Faiga Faiva i te Hone: Lipoti Taki Kuata a te Ulufakatonu	20
24. Lipoti mai te Hukehukega ki te Fakatauga o na Helikopa	21
25. Lipoti mai na Tafaoga a te Tutolu 2018	21
PEPA FAKAOPPOO	
1. Ata Fakapihinihi: Fakalahiga ma te Huiga o na Ma ma na Mahini o te Sola	s
2. Teuteuga ki te Paketi 2018/2019	31
3. Lipoti Tupe Fakafano ki te Hikimi Tauale Hikitia	33

4.	Lipoti a te Huketuhi mo te tauhaga tupe ki te aho 30 Iuni 2015	39
5.	Lipoti ki na Galuega Fakaauau a te Malo	45
6.	Lipoti a te Komiti Hikolahipi	74
7.	Fakaataataga o te Tulafono mo na Tino Tautua Fakapitoa i na Tautuaga Tau te Ola Malolo 2019	79

1. Tofiaga ma te Fakatautoga o te Takitakifono ma te Hui Takitakifono o te Fono Fakamua

Ko te Fono Fakamua na:

tofia;

- a. Stanley Lopa ma Takitakifono
- e. Sakaria Sakaio ma Hui Takitakifono

matau na Hui Fono mai Atafu;

- a. Teloloma Samasoni kua hui ai ia Mika Kalolo
- e. Tulano Toloa kua hui ai ia Dr Sirila Enosa

Ko te Fono Fakamua na **matau** te fakatautoga o te Takitakifono, Hui Takitakifono ma na Hui fou mai Atafu

2. Fakalahiga ma te Huiga o na Ma ma na Mahini o te Sola

I he matauga o te Ata Fakapihinihi ma te fakatu mai a te Ulu fakatonu mo he fakatupega a te Polokalame,

Ko te Fono Fakamua na;

matau;

- i) te maliliega na iei ai i te kamataga o te polokalame sola, ko te toe fakafouga o na aheta o te hihtemi eletihe e fakatupe mai i te tupe maua mai i te eletihe
- ii) ko te mataloa o te aoga o na ma e iei nei, kua faka taigole lele ona ko te lahi o na manakoga, na fakauta ki luga o te hihtemi talu te fakapipikiga
- iii) kua iei he fakatu ma te Ulufakatonu ki he fakatupega tauofoga mo he hao o Niu Hila mo he 6 miliona kae manakomia he hao o Tokelau i he 3 miliona

malilie;

- i) kua talia te fakatu a te Ulufakatonu ke fakatupe e NiuHila te 6 miliona o te 9 miliona e manakomia mo te polokalame
- ii) ke gafa ia Tokelau ma te paleni e 3 miliona e tuha ai ko te hao o Tokelau, \$2.5 miliona ke fakatupe mai i te paketi 2019/2020
- iii) ke gafa na Nuku ma te fakatupega o te \$500,000 o te hao o Tokelau i he ta tutuha na nuku

3. Fakaleleiga o te auala hima I Nukunonu

Ko te Fono Fakamua na:

matau;

- i) te taua o te galuega mo te haogalemu o tagata
- ii) te fai fakatahi o na galuega mo te auala hima i te vaitaimi ei Nukunonu ai na mahini mo t e galuega o te vaka ki gauta e fakaitiitia ai te aofaki o te fakatupega e manakomia mo te auala hima

- iii) kua uma te fakatatia o te peleni galue ma te polokalame vaka ki gauta, ma e taua ke fakaauaaau pea te galuega

malilie;

- i) ke fakaauaaau te galuega polokalame vaka ki gauta e ve ona tatia ai i ta na peleni, ma
- ii) ke **matau** te fakatu a Nukunonu ki te auala hima ke kikila ki ei i te tauhaga tupe 2019/2020

4. Galuega mo na Auala

Ko te Fono Fakamua na:

- i) **matau** te agaga ma te mafuaaga o te matakupu
- ii) **malilie** ke toe tuku atu te pepa ki te Taupulega, ke fakamanino na vaega e takua i te pepa.

5. Iloiloga o te Paketi Tupe 2018/2019

Ko te Fono Fakamua na;

- i) talia na fautuaga ma na teuteuga a te Komiti Tupe mo te Paketi 2018/2019 venei:
 1. Tupe Tauhi mai Niuhila – Heai he huiga
 2. Tupe Maua mai te Hone – Heai he huiga
 3. Lafoga mai na Totogi, Tiute, Pahehe ma na Uta – I he tukufakatahiga, he hikitaga i he \$440,000
 4. Na mataeke ma na nuku uma – Tipi he **20%** o te latou tupe ova i te tauhaga tupe kua teka, 2018/2019
 5. Akoakoga – hikitaga i he **\$330,000** ona ko te aofaki o na fanau hikolahipi. Ko to na uiga e heai he aoga ke iei ai hana tipiga tupe mo tana tupe ova i te tauhaga kua teka.
 6. Ola Malolo – hikitaga i he \$900,000 ona ko na tau mo te Hikimi Tauale. Ko to na uiga e heai he aoga ke iei ai hana tipiga tupe mo tana tupe ova i te tauhaga kua teka. E fakapipiki atu i tua [**pepa fakaopoopo 3**] he lipoti e tuha ai ke to fakafanogatupe a te hikimi tenei mo te 3 o tauhaga tupe kua teka.
 7. OCOG – hikitaga i he \$240,000 i he matauga e he mafai na galuega a te ofiha tenei ke fakaauaaau i tana fakatupega e iei nei. E aofia i te taimi nei he tipiga tupe mo tana tupe ova i te tauhaga kua teka.

8. Tafaoga a te Pahefika – he \$135,000 mai te paketi mo te tauhaga tenei kae ko te paleni ke kikila kiei mo te paketi mo te tauhaga tupe ka hohoko [2019/2020] ka totoka he kikilaga ki te aofaki o kilatou e auai.
9. Fakakopega o loto o te Ofiha fou i Apia – he \$100,000 mo te vaega muamua tenei kae tatia te paleni \$400,000 ki te tauhaga tupe 2019/2020.
10. Vaka mo Fanau Akoga i Fakaofo – tolo ki te tauhaga tupe fou.
11. Atafu – he \$100,000 fakaopoopo mo te Ofiha Fou (*Administration Building*).
12. Nukunonu – ke tolo te toe fakalelei o te auala hima ki te 2019/2020.
13. Fakaofo – \$100,000 vaega 1 mo te fakakopega o te falemai
14. Polokalame Malohiaga Fakatenatula – he \$2.5 miliona mai te paketi o te tauhaga tupe fou [2019/2020] fakatahi ai ma he \$500,000 ke iei he hao tutuha o na nuku e tolu mai a latou tupe maua mai te eletihe. E katoa ai te \$3m paketi e manakomia mo te hao o Tokelau ki te fakatupega o te polokalame.

Ko te afainaga lautele o na teutuega kua fakaitiitia ai te tupe hilia i te paketi na malilie kiei i he \$1,905,000. Kae i te tokehea mai o he \$454,000 mai te aofaki tenei mo na tipiga tupe mo na tupe ova i te tauhaga kua teka ma he \$440,000 tupe maua fakaopoopo. E kitea ai ko te afainaga katoa ko he aofaki e \$1,011,000 kua he avanoa ke fofo ai te tupe ova i te tauhaga tupe kua teka.

(Tagaki kite pepa fakaopoopo 2)

6. Talohaga Tupe mo te Fakakopega ma te Faka-meafalega o te Falemai i Fakaofo

Ko te Fono Fakamua na:

matau na fakamatalaga i loto o te pepa tenei;

talia

- i) te talohaga ke tuku kehe he vaegā tupe mo te kamataga o te fakakopegia o te falemai i Fakaofo, ve na ma te tulaga fakaauau;

matau

- i) te fakafehili e tuha ai ma te fakatupega na fakaavanoa muamua pena fakaaoga vefea
- ii) te tautali a te Mataeke o te Tupe ko te fakatupega e fakafehiligia na fakaaoga ke fakauma ai te galuega I te falemai I Fakaofo

Ko te Fono Fakamua, I he matauga kua fakavahega he \$100,000.00 I te iloiloga o te Paketi mo te fakatu tenei na:

- i) **fautuagia** ke galulue tafapihi te Mataeke o te Ola Malolo ma Fakaofo ki na itukaiga mea faigaluega fakapitoa tau Ola Malolo I loto o te falemai

7. Hainiga o te Hukegatuhi o te Tala o te Tupe 30 Iuni 2015

Ko te Fono Fakamua na:

- i) **fakaleo** te agaga fakafetai ki te Minihita ma tana Kaufaigaluega ma te galuega fita,
- ii) **matau** e iei te avanoa I te tamilohaga ki na Nuku a te Minihita ma te Kaufaigaluega ke tautali ai ki ni fehili e tuha ai ko te Lipoti a te Huketuhi
- iii) **talia** te hukegatuhi ma te lipoti a te huketuhi e tuha ai ko te tala o te tupe a te Malo o Tokelau ki te aho 30 o Iuni 2015

8. Lipoti o na Galuega Fakaauau a te Malo

Ko te Fono Fakamua na:

matau:

- i) te lagona ke toe ahia na tulafono e mafai ai na tama fanau a Tokelau ke faka amanakia na tautuaga faka loia mo Tokelau
- ii) te tautali a te Ulu o Tokelau, ko he avanoa gali tana havalivali ki na Nuku ke fakatalanoa na fakamuamuaga o te 180 aho muamua o tana nofoakiga meamanu e aofia ai he vaega ke fakatu he iunite tau tulafono mo Tokelau
- iii) te lagona e tuha ai ko te tofiaga o he tino galue hinia, e tatau ona faka aloakia e te Fono Fakamua kae ke amanakia foki na Taupulega i he fakailoa
- iv) te fakafetai a he Hui a te Fatupaepae e tuha ai ko te lagolago malohi a te Malo, Ulu Fakatonu ma na Taupulega ki te itupa o matua e tuha ai ko tana fonotaga

talia

te

lipoti.

9. Alauni e totogi i Tokelau

Ko te Fono Fakamua na:

	Na itukaiga alauni	Pogai	Fautuaga	Ikugafono
1	Alauni Hui Takitaki Fono ote Fono Fakamua	Ko te alauni tenei e totogi ki te Hui Takitaki Fono ote Fakamua mo tona tulaga faka-Hui Takitaki Fono e tuha lava takitaki e ia he nofoakiga ma te Fono Fakamua pe heai.	E fautuagia e te Komiti ke: (a) \$1,031 ite Fono Fakamua te Alauni Hui Takitaki Fono ote Fono Fakamua.	talia te fautuaga a te Komiti
2	Alauni Uhufono Fono Fakamua	Ko te alauni tenei e totogi ki na Uhufono Fono Fakamua e fakatahi atu ki te Fono Fakamua. Ko te alauni tenei e totogi ki na Uhufono ite kavea ai ma Uhufono ki te Fono Fakamua a Tokelau. E 3 Fono Fakamua ite Tauhaga, vagana ai kafai e iei he tahitou ma te Malo Fakaauau ki te aofaki ona Fono Fakamua ite tauhaga.	E fautuagia e te Komiti ke: (a) \$1,375 ite kuata te Alauni Uhufono Fono Fakamua.	talia te fautuaga a te Komiti ma ke maua foki te alauni tenei e na Hui i te Malo Fakaauau
3	Alauni Hauatea	Ko te alauni tenei e totogi ki na Hauatea mai na nuku takitahi e fakatahi atu ki na Fono Fakamua. Ko te alauni tenei e totogi atu ki na Hauatea mo te tapuakiga ona Fono Fakamua.	E fautuagia e te Komiti ke: (a) \$500 ite Fono Fakamua te Alauni Hauatea.	talia te fautuaga a te Komiti
4	Alauni Tautuaga Fakapitoa/Honoraria	Ko te alauni tenei e totogi atu ki na hui uma ona Taupulega ona nuku e 3. Ko te alauni tenei e \$11,000 ite tauhaga.	E fautuagia e te Komiti ke: (a) \$423.10 ite 2 vaiaho te Alauni Tautuaga Fakapitoa/Honoraria	talia te fautuaga a te Komiti

5	Alauni Taupulega	Fono	Ko te alauni tenei e totogi atu ki na hui ona Taupulega e fakatahi atu ki he fonotaga a te Taupulega kafai nofoia he fonotaga ma te Taupulega.	E fautuagia e te Komiti ke: \$20 ite aho fono Alauni Fono Taupulega.	talia te fautuaga a te Komiti
6	Alauni Tino Matutua		Ko te alauni tenei e totogi atu ki tagatanuku Tokelau kua auhia na tauhaga litaea ote 60 tauhaga. Ko te alauni tenei e fehoahoani ki na tino matutua mo te kikilaga o latou manakoga faka-tagata matutua ona kua hei ni ietahi alagatupe tumau e fakamoemoe ki ei.	E fautuagia e te Komiti ke: \$700 ite mahina te Alauni Tino Matua. Kafai te Tino Matua e malaga kehe atu ma Tokelau, e 3 mahina oioti te mataloa e fakataga ai ke maua e ia te alauni tenei. E ova atu loa ma te 3 mahina ei fafo ai ma Tokelau, oi taofi loa te alauni ke toe taliu mai ki Tokelau oi toe fakaauau loa. Ko te alauni tenei ke totogi oioti ki tagata Tokelau Kafai ko he Tino Matua nae nofo mau i fafo o Tokelau kae kua toe taliu mai ki Tokelau, e tatau ke <u>fakamaonia</u> na vaega ienei: (i) Ko te Tino Matua kua toe taliu mai ki Tokelau ke nofo mau ai; (ii) Ko te Tino Matua tenei e hei hana Penihiona Tino Matua e maua i he tahi atunuku i fafo o Tokelau	malilie ke tuku ki te Komiti, ke tapena mai ni taki I te tulaga ke fakatino ai te itukaiga alauni tenei kae ke matau e te Komiti na lagona ienei. matau; i) e lagolago e na Taupulega te fautuaga a te Komiti, kae eiei na vaega e fakafehili e tuha ai ko he taki manino, pe ko ai te tatau ona gafa ma te fakatupega tenei – Nuku pe ko te Malo, pe totogi taki mahina te lagona ke fakatatia he tonu mautu I he taimi vave, ona ko he vaega tenei ko he mafuaaga o te lahi o te tupe ova malilie ke tuku ki te Komiti, ke tapena mai ni taki I te tulaga ke fakatino ai te itukaiga alauni tenei ma tuku atu kite Taupulega I he taimi vave mo ni lagona oi tuku mai ai ki te Fono Fakamua ka hohoko
7	Alauni Litaea		Ko te alauni tenei na fakavae ona eiei na toeaina kua matutua/vaivai kua he	E fautuagia e te Komiti ke:	malilie ke fakaheai te Alauni Litaea

		mafai atu ki te Taupulega, ma na matua kua auhia na tauhaga litaea ote 60 tauhaga. Ko te alauni tenei na fai ona e heai ni ietahi a latou fakamanuiaga e maua e kehe mai te Penihiona Tino Matua fakatuhatuha ki na toeaina e maua na Alauni Tautuaga Fakapitoa/Honoraria ma te Penihiona.	(a) \$200 ite 2 vaaho te Alauni Litaea.	
8	Alauni Fakamahino	Totogi ki na Hauatea e fakatahi atu ma tapuaki na fakamahinoga.	E fautuagia e te Komiti ke: (a) \$20 ite aho te Alauni Fakamahino.	talia te fautuaga a te Komiti
9	Alauni Komiti Fakafoe ote Teletok	Ko te alauni tenei e totogi atu ki na Hui ote Komiti Fakafoe ote Teletok.	E fautuagia e te Komiti ke: (a) \$1375 ite kuata te Alauni Komiti Fakafoe ote Teletok.	matau ko te alauni fakafoe a te Teletok, e totogi lava e te kamupani a te Teletok
10	Alauni fakamama fenua		E fautuagia e te Komiti ke: (a) Fakaheai te alauni tenei, kae kafai e iei he fakamanuiaga e maua mo na galuega fakamama fenua, e tatau te fakamanuiaga tenei ke afia i loto ote totogi kae e he toe faia ko he alauni	talia te fautuaga a te Komiti
11	Penefiti (Tauhitino)			
12	Alauni Fakaliliu Tuhi Paia	Ko te alauni tenei e totogi atu ki na Hui ote Komiti Fakaliliu Tuhi Paia.	E fautuagia e te Komiti ke: (a) \$20 Alauni Fakaliliu Tuhi Paia ite aho kafai e fono te Komiti.	talia te fautuaga a te Komiti
13	Alauni Tino Akoako		E fautuagia e te Komiti ke:	lagolago kae ke toe tuku atu ki te komiti ke iei he fuainumela kae ke olo gatahi ai na

	Faiga o na Piliki		(a) ke totogi fakafokotahi oioti te vaegatupe tenei kae e he toe faia ko he alauni	vaega kua matau
14	Alauni Galue Tupe	Ko te alauni tenei e totogi atu ki na tagata faigaluega e gafa tonu ma kilatou te tiute ote taukilaga ote haogalemu ona tupe i ho taimi ote fakatinoga o a latou galuega. Kafai eiei he taimi e he katoa ai te aofaki ote tupe i lalo te taukilaga a te tagata faigaluega tenei, e toe totogi uma e te tino tenei te aofaki ote tupe e tatau ona toe totogi.	E fautuagia e te Komiti ke: (a) \$100 ite mahina te Alauni Galue Tupe.	talia te fautuaga ma ke aofia te tino e fakagalue e ia te tinoi tupe I na koloa
15	Alauni o Tamaiti	Ko te alauni tenei e totogi atu ki matua ke fehoahoani ki te tauhiga o fanau, ma ietahi manakoga o fanau i teia taimi ma teia taimi.	E fautuagia e te Komiti ke: (a) \$5 ite aho aoga te Alauni Tamaiti. (b) Fakatalanoa e te Fono Fakamua/Taupulega na vaega ienei: (i) \$5 ite aho aoga mai te pepe fatoa fanau mai ki auhia te taimi e maea ai na tauhaga aoga faka-tulafonogia (ii) \$5 ite aho aoga fakaopoopo ki ei ma te tupe tauhi mo kilatou kua auhia na akoakoga fakapitoa	Matau: i) E kehekehe te mafuaga e fakatino ai te alauni tenei I na nuku takitahi o na foki ko te kehekehe o na nofonofoga; talia ke tuku atu ki te Komiti ke tapena mai he pepa mo ni taki ke ta tutuha ai na fenua, oi toe tuku mai ai ki te Fono Fakamua ka hohoko
16	Fale Nonofono	Ko te vaegatupe tenei e totogi ki na kaiga i Tokelau e gafa ma te taukilaga/tauhiga ona tino ahiahi	E fautuagia e te Komiti ke: (a) \$40 ite aho te Fale Nonofono	Matau: Eiei foki te galuega e fakahavali nei e te

		Fakavaitaimi mai fafo ona ko ni tiute faka-te-malo pe faka-nuku foki.		mataeke o Tautuaga Lagolago e tuha ai ko na tau o na fale e nonofo ai Malilie: ke tuku atu ki te Komiti ke tukutonu ai na vaega ienei ma te Mataeke o Tautuaga Lagolago
17	Penefiti mo te Tino e he Katoatoa te Malohi (Handicap)			malilie ke tafia te alauni tenei ke talia te polihia te Ola Malolo agai kite alauni tenei
18	Penefiti a Tamaiti			malilie: ke tuku atu ki te komiti ke tapena mai ni taki mo te alauni tenei
19	Penefiti Fafine i lalo o te 50 tauhaga		E fautuagia e te Komiti ke: (a) \$100 ite 2 vaiaho te Penefiti Fafine i lalo ote 50 tauhaga (b) ke totogi te vaega tenei ite pepa totogi kae he toe faia faka-alauni	matau: E kehekehe te mafuaga e fakatino ait e alauni tenei I na nuku takitahi o na foki ko te kehekehe o na nofonofoga; malilie: Ke tuku atu ki te komiti ke tapena mai ni taki mo te alauni tenei
20	Penefiti Fafine ova te 50 tauhaga		E fautuagia e te Komiti ke: (a) \$100 ite 2 vaiaho te Penefiti Fafine ona 50 tauhaga (b) ke totogi te vaega tenei ite pepa totogi kae he toe faia	

			faka-alauni	
21	Penefiti Tino Matua			
22	Penefiti Taulelea i lalo o te 50 tauhaga e he galue ona e lavea		<p>E fautuagia e te Komiti ke:</p> <p>(a) fakaheai te penefiti/alauni tenei ma ke kikila ki ei fakatahi ma vaega ote Polihimo Tagata e Manakomia ni Fehoahoaniga Fakapitoa ma ietahi polihi e tau lalata ki ei</p>	<p>matau: Te fakafehili, pe aihea te takua ai te 50 tauhaga, ka ko te tauhaga litaea na pahia e te Fono Fakamua ko te 60</p> <p>malilie: Ke tuku atu ki te komiti mo ni taki manino mo na alauni ienei</p>
23	Penefiti Taulelea ova te 50 tauhaga e he galue ona e lavea		<p>E fautuagia e te Komiti ke:</p> <p>(a) fakaheai te penefiti/alauni tenei ma ke kikila ki ei fakatahi ma vaega ote Polihimo Tagata e Manakomia ni Fehoahoaniga Fakapitoa ma ietahi polihi e tau lalata ki ei</p>	
24	Komiti a na Taupulega	<p>Ko te alauni tenei e totogi atu ki na hui ona Komiti uma e fakavae e na Taupulega kafai e nofoia he fonotaga/galuega ma te Komiti.</p> <p>Komiti Akoakoga Komiti Taikokole Komiti Tapenapena Komiti Faigapalota Komiti Koloa Komiti Konekalate Komiti Peleni Taki</p>	<p>E fautuagia e te Komiti ke:</p> <p>(a) \$20 ite aho na Alauni Komiti a na Taupulega.</p>	<p>Matau: E iei foki na komiti e he takua I loto o te lihi ftg Komiti Ola Malolo</p> <p>Malilie Talia te fautuaga a te Komiti kae ke apalai ki ho he komiti a te Taupulega</p>

		Komiti Tulafono Komiti Huke Koloa Komiti Tamaokaiga		
25	Alauni Taupiki	<p>Ko te lagona ote Komiti ke feeke ma fakamalohia ia tamaiti ke olo ki na akoga.</p> <p>Ko tamaiti kua he mafai lava ke olo ki na akoga kae ko heki auhia te matua faka-tulafonogia mo na galuega totogi, e tatau la ke kuia te Polokalame Taupiki.</p> <p>Ko te Polokalame Taupiki e akoakogia ai na hikili kehekehe e ve ko te talatalai, kamuta, faigafaiva, lapihi, lalaga, kuka mtm</p>	<p>E fautuagia e te Komiti te Fono Fakamua/Taupulega ke:</p> <p>(a) fakatalanoa na vaega ienei:</p> <ul style="list-style-type: none"> (i) Pogai ote polokalame tenei (ii) Aofaki ote alauni e tatau ona maua e te tamaiti ite 2 vaiaho (iii) Pe tatau te aofaki ote alauni tenei ke tutuha ma te stipend e totogi ki na tamaiti e olo ki na akoakoga fakapitoa? 	<p>matau:</p> <p>Te fautuaga ke toe fakaolaola ni polokalame I luga o na nuku mo na fanau kua he fia toe olo ki loto o na akoakoaga</p> <p>malilie:</p> <p>Talia te fautuaga a te Komiti mo te alauni tenei</p>
26	Alauni Fatupaepae		<p>E fautuagia e te Komiti ke:</p> <p>(a) fakaheai te Alauni Fatupaepae ona e hui ki ei te penefiti ite Vaega 19 & 20 i luga</p>	<p>matau:</p> <p>E kehekehe te mafuaga e fakatino ai te alauni tenei I na nuku takitahi o na foki ko te kehekehe o na nofonofoga;</p> <p>malilie:</p> <p>Ke totoka he kikilaga ma te komiti mot e aluni tenei vena ma te alauni 19-20</p>
27	Alauni Kaufaifatoaga		E fautuagia e te Komiti ke:	malilie:

			(a) fakaheai te alauni tenei ona kua he toe fakatinoa te polokalame tenei	ke talia te fautuaga a te Komiti
28	Fenua Lihi		E fautuagia e te Komiti ke: (a) \$1.50 te hikuea mita mo na Fenua Lihi	matau: Ko te levolo e totogi ai te aluni tenei kua faitauhaga E iei foki te komiti patino mona fenua lihi malilie: Ke toe tuku atu ki te komiti ke galulue fakatahi ma te komiti o fenua lihi ki he fautuaga ki te fono fakamua ka hohoko e tuha ai ko te lagona ke iei he hikitaga
29	Alauni (SMT)		E fautuagia e te Komiti ke: (a) fakaheai te Alauni SMT ona ai kafai e fono te SMT, ko te taimi tena e fakatino ai o latou tiute.	Talia: Te fautuaga ke faka-heai te alauni tenei
30	Hikimi Hiki Tauale a Tokelau Fakatupe e te nuku	Ko te alauni tenei e fehoahoani mo te tauhiga ote tino tauale i Apia kafai e he i lalo ote Hikimi Tauale a Tokelau.	E fautuagia e te Komiti ke: (a) ST\$90 ite aho te Alauni ote Tauale e Fakatupe e te Nuku	malilie: Ke tuku atu ki te komiti ke tapena mai ni taki mo te alauni tenei
31	Alauni Galuega Vaka			malilie:
32	Alauni Takitaki o na Heke			Ke fakaatea kehe na alauni ienei o na e I lalo o na tukutukuga a te takiala a te kaufaigaluega
33	Alauni Malaga			
34	Alauni Lavalava			

35	Alauni Malaga & Fale nonofo (ve ko te tuhi takiala)		
----	---	--	--

Na Komiti Kehekehe a te Fono Fakamua

Na hula ina talanoaga a te Komiti Alauni ietahi alauni e totogi ki na Hui ona Komiti a te Fono Fakamua e he takua i luga ote lihi ona alauni e kikila nei ki ei te Komiti. Fakatakitakiga, te Komiti Hikolahipि. Na malilie ai te Komiti ke tuku atu ni fautuaga ke:

- (a) fakatutuha uma te aofaki ona alauni a na Komiti a te Fono Fakamua;
- (b) Gafa ma te Komiti Alauni te tuku atuga ona fautuaga agai ki na alauni kehekehe e totogi mo na Komiti a te Fono Fakamua

9.1 Alauni kelekelea

Ko te Fono Fakamua na:

- i) **matau** te pepa.
- ii) **malilie** ke tuku atu ki te komiti ki he levolo e talafeagai ke ta tutuha ai na nuku

10. Fakahekega ona Tautuaga a Lomaloma kite Taupulega Atafu

Ko te Fono Fakamua na:

matau:

- i) te pepa ma te matakupu kua tuku atu
- ii) e iei na vaega ona tiute ote Mataeke kua tatau ke taukave fakatahi ma te Taupulega

malilie:

- i) e toe tamilo atu te minihita ma te mataeke ke fakatino na talanoaga ma te Taupulega Atafu

11. Lipoti o te Hikimi Hikolahipi

Ko te Fono Fakamua na:

matau

- i) kua pahia te fakatupega \$330,000 mai te paketi tupe 18/19
- ii) na hē fiafia o na nuku agai ki te tulaga o na tautuaga I te poupouakiga o na fanau I te teka kehe atu ma na matua
- iii) te fakamalulu a te minihita, o na ko te vai-taimi nae tutupu ai na fakafitauli kua takua I luga ko te kaufaigaluega nae tau atu kiei nae gafa ma ni he malohi o te tino
- iv) na popolega kite aofaki o na fanau e toe taliu mai ki luga o fenua e heki paahi na matakupu
- v) e loma nei te ati mo akoakoga I te mahina o Me ma ko he avanoa manaia tena ke kikila fakatahi ai ki ni fofo mo na popolega
- vi) te Lipoti

12. Na totogi o na konekalate I fafo o te fakavaka fou o na fakamanuiaga o te kaufaigaluega a Tokelau

Ko te Fono Fakamua na:

- i) **matau:**

- a. te pepa;

e. kua fakahavali te galuega a te Komehina o te kaufaigaluega e tuha ai ko te Ikuga Fono a te Fono Fukamua

- ii) **fakatonu** te komehina o te Kaufaigaluega ke fakatotoka tana galuega I loto o te 4 mahina e fakahavali nei ma ke tuku mai he lipoti ki te Fono Fukamua ka hohoko.

13. Fakahekega o na Tauhaga Litaea

Ko te Fono Fukamua na:

matau:

- i) te pepa
- ii) e manino foki te Ikuga Fono ia Iulai 2018
- iii) ko te fakafehili e puna mai I te he maina ki te tulaga o te kaufaigaluega o te atunuku
- iv) e manino I te takiala a te kaufaigaluega e gafa te fakagaluetino mo te fakaauauaga I tua atu o na tauhaga litaea

14. Pahehe Vaka o ki latou e he ni Tino Tokelau

Ko te Fono Fukamua na:

matau:

- i) te pepa
- ii) e lagolago e na nuku e tolu ke aofia na tino kehe kua faikaiga ki ni tino Tokelau I loto o te fakauigaga ko he tino Tokelau

malilie:

- i) ke tuku atu ki te faufautua o te tulafono ke fakamanino te fakauigaga o te tino Tokelau

15. Illoiloga o te Tofi Pule Fakahoa

Ko te Fono Fukamua na:

matau

- i) te pepa;
- ii) na popolega o te Taupulega ki te fakailoaga o na tulaga o na fakatonu a te Malo

malilie:

- i) ke fakalelei atili te hokotaga mo te fakailoaga o na tofiaga o na tino faigaluega I te atunuku kae maihe na fakatonu.

16. Illoiloga ona Fakamanuiaga o na Taupulega

Ko te Fono Fukamua na:

- i) **matau** te pepa

- ii) **malilie** ke fakatupe ma fakatino te iloiloga tenei I luga o Tokelau

17. Fakamanuiaga o na KOMEHINA TULAFONO, NA FAIPULE MA NA PULENUKU

Ko te Fono Fakamua na:

- i) **matau** te pepa;
- ii) **malilie:**
 - a. ke iei he iloiloga talafeagai mo na hikitaga
 - e. ke tuku atu kite Malo Fakaauau ke kikila ki he auala pito hili ke fakatino ai te vaega tenei

18. Tofi Takitakifono mo te Komiti Fakafoe o te Teuga Tupe Fakavaomalo a Tokelau

Ko te Fono Fakamua na:

- i) **matau** ko te nofoakiga a te Takitakifono e iei nei, na fakamuta i te aho 31 Tehema ma na toe fakaopoopo kiei he 3 – 4 mahina i he lagolago tutuha a Niuhila ma Tokelau.
- ii) **malilie** I he matauga kua tatau ke iei he tofiaga I he taimi vave, ke tuku atu ki te Malo Fakaauau ke tuku mai ni hui fakatutu mo he kikilaga a te Taupulega ke fili mai ai he hui fakatu ma Tokelau kite tofi takitaki fono mo te teuga tupe fakavaomalo a Tokelau; ma
- iii) **malilie** kafai e fofou ia Tokelau ke fakatutu ni ana hui, ke fakafoe na fekuikuiakiga ienei e te Ofiha o te Malo Fakaauau ma te Mataeke o te Tupe.

19. Huiga ki na Tulafono i te Fauhaga o na Hitene mo Fakamaumauga tau Tupe

Ko te Fono Fakamua na:

- i) **matau** te pepa ma na huiga fautuagia mo na Tulafono
- ii) **malilie** ke tuku atu ki te fakahavaliga a te Minihita ma te kaufaigaluega mo te fakatalanoaga o na Nuku ma toe tuku mai ai ki te Fono Fakamua.

20. Fakatu Tulafono mo na Tino Tautua Fakapitoa ina Tautuaga Tau te Ola Malolo 2019

Ko te Fono Fakamua na:

- i) **matau** na fakatu tulafono e pipiki ite **Pepa Fakaopoopo 7**;
- ii) **talia** te faitauga muamua o na Tulafono fakatu mo na Tino Tautua Fakapitoa I na Tautuaga tau te Ola Malolo
- iii) **malilie** ke tuku atu ki te fakahavaliga a te Minihita ma te kaufaigaluega mo te fakatalanoaga o na Nuku toe tuku mai ai ki te Fono Fakamua.

21. Fakatu ke Huia na Tulafono Atunuku i te Tauhaga e inu pia ai he Tino; Tauhaga ulaula ma te Tauhaga Aoga

Ko te Fono Fakamua na:

- i) **matau** te pepa;
- ii) **malilie** ke fakaopoopo te vaega tenei ki na matakupu e fakatalanoa e te Malaga ki na nuku a te vaega o na Tulafono

22. Tiute Patino mo na Hui Fono Fakamua o Tokelau

Ko te Fono Fakamua na:

- i) **matau** te pepa
- ii) **malilie** ke iei he fautuaga mai te pito a te Tulafono

23. Faiga Faiva i te Hone: Lipoti Taki Kuata a te Ulufakatonu

Ko te Fono Fakamua na:

Tuku atu te fakafetai, ki te Ulu Fakatonu, Minihita ma na kaufaigaluega e fia mo te galulue malohi mo te atiakega o faiga faiva i te Hone

matau te lipoti.

24. Lipoti mai te Hukehukega ki te Fakatauga o na Helikopa

Ko te Fono Fakamua na:

matau:

- i) te fakafetai a te Ulu o Tokelau ki Tokelau katoa I luga o fenua ma fafo atu o Tokelau mo na tapuakiga e tuha ai ko na galuega nae fakafeagai ma te Malo Fakaauau
- ii) e ui kua fakatino te fakamahinoga koi talia nei te fakaikuga a te fakamahino
- iii) e loma nei te malaga a te Malo Fakaauau kina nuku takitahi ke fakatalanoa te lipoti ma na Taupulega ma ko he avanoa gali tena ke tautali ai ki ni fehili e ono iei
- iv) te fakafehili pe aihea kua opotia ai te hukehukega ki te fenua I Matautu o na ko te Ikuga Fono a te Fono Fakamua na patino lava ki he hukehukega ki na Helikopa
- v) te fakamalulu a te Ulu o Tokelau o na ko he fautuaga tu tokatahi a te Komehina e tuha ai ko na aiaiga o te kaufaigaluega
- vi) te lipoti.

Na **fakatonu** e te Fono Fakmau te kaufaigaluega ke fakaliliu te Lipoti ki te gagana Tokelau ma tuku atu ai ki na Taupulega.

25. Lipoti mai na Tafaoga a te Tutolu 2018

Ko te Fono Fakamua na:


- i) **matau** te lipoti
-

Fakamaonia e:



Stan Lopa
Takitakifono


Aho



Sakaria Sakaio
Hui Takitakifono


Aho

HUI AUAI

ATAFU	
Uhufono	
Pulenuku Fano Fao	Faipule Kelihiano Kalolo
Fa'amanuia Tamoa	Latu Lopa
Tulano Toloa	Tanu Filo
Teleloma Paulo	
Hauatea	
Elia Mamoe	Filo.Filo
Kaufaigaluega	
Mika Kalolo	Moliga Kisona
Orita Isaako	Timo Sirila
Poasi Tuilotolava	Rosa Toloa
Tilau Kirifi	Apolima Panapa
Sesilia Aokuso	
FAKAOFOLAU	
Uhufono	
Pulenuku Mohe Pelasio	Faipule Afega Gaualofa
Tinielu Tuumuli	Taupati Peleni
Danny Faleasiu	Malia Pue
Mete Lui	
Hauatea	
Sio Sio	Kahimilo Niko
Kaufaigaluega	
Iuliano Tinielu	Suia Pelasio
Neta Teao	Sophie Saumani
NUKUNONU	
Uhufono	
Pulenuku Petelo Patelesio	Faipule Siopili Perez
Alapati Tavite	Iosefo Tuia
Lepeka Perez-Amato	Lino Isaia
Falaniko Aloisio	
Hauatea	
Vasa Tavite	Faumui Iosefo
Kaufaigaluega	
Asi Tumua	Litia Maiava
Taase Perez	
NIUHILA & MALO	
HE Ross Ardern	Augustino Vitale
Maria Reynen-Clayton	Alan Shaw
Kaloline Vaipuna	Simona Mei
Casimilo Perez	Paula Faiva
Aleta Aleta	Mika Perez
Dr Silvia Tavite	Rosita Mauai-Matalavea
Feleti Tulafono	Tealofi Enosa
Margret Sapolu	Alofa Aleta
Soli Mataafa	John Bosco

Tiso Fiaola	Fulitusi Alovaka
Niu Filipo	
Leoleo	
Tavita Pue	Heo Peleni
Sulia Peleni	Malia Pereira
Viliamu Paulo	Tegei Lui
Hegalo Vitale	Soteria Leitu
Faamaoni Reuelu	John Nuutuli
Julie Lopa	Amanaki Paulo

PEPA FAKAOPPOOPO 1



Poloketi Fakalahiga ma Fakafougia o te Malohiaga Fakatenatula Tokelau (TREEP) Ata Fakapihinihi

Prepared by:	Robin Pene, General Manager, Department of Energy
Prepared for:	Hon Afega Gualofa, Minister for Energy
Date:	30th January 2019
Version:	Final

Vaega

Kotokotoga **Error! Bookmark not defined.**

Fakamatalaga **Error! Bookmark not defined.**

Kautu 4

Talaaga **Error! Bookmark not defined.**

Kikilaga lautele **Error! Bookmark not defined.**

Matakupu **Error! Bookmark not defined.**

Fofooga e Fautuagia **Error! Bookmark not defined.**

Tau Matemate o te Poloketi 6

Matauga

7

Fautuaga **Error! Bookmark not defined.**

Fakamatalaga **Error! Bookmark not defined./8**

KOTOKOTOGA

Ko te faitauhaga o te sola ma te fakalalahi o na manakoga tau eletihe, kua tatau ai te Malo o Tokelau ke kikila kite huiga o na mahini eiei nei (ona kua fakalata kite gataga o te latou ola), ma fakalahi te hihitemi ke fakataigole ai na tau o na tiho ma fakataigole ai foki na taimi e tapepe ai.

Ko te Ata Fakapihinihi tenei, e talohaga atu ai kite koulua mamalu te Fono a te Malo Fakaauau mo he koulua maliliega ke fakatau ma fakatino te fakalahiga o te hihitemi ma te toe fakafougia o na mahini ite tau katoa e \$9 miliona, mae ke kamata ite koulua paketi 2019/2020

Eiei he pepa a te Ulu Fakatonu mo te Fono Fakamua, e matau eiei he fehoahoaniga fakatu mai te malo o Niuhila he \$6 miliona kae e fakatali nei ki he maliliega mai na Taupulega ma te Fono Fakamua ki ni huiga ke mafai ai e na nuku ke totogi ma kikila lava e ia ana mahini tau eletihe ite lumanaki. Ko na taki o te \$6 miliona tenei, e fakamatea ite pepa a te Ulu Fakatonu, e takua ai foki, ko te \$3 miliona e totoe, ke \$2.5 miliona e gafa ma te Malo o Tokelau, ma te \$0.5 miliona e maua mai i na pili moli fakatahi.

Ka he maua mai he vaega mai Niuhila, ka gafa lava ma Tokelau te tau katoa \$9 miliona.

FAKAMATALAGA

Ite tauhaga 2012, na hui katoa ai ia Tokelau mai te fakaoga o te tiho mo tana paoa ki te sola. Ko te Poloketi Malohiaga Fakatenatula Tokelau (TREP), na mafai ai ia Tokelau ke 90% tana uila e maua mai te malohiaga fakatenatula ite tauhaga muamua, mae na taigole ai foki tana kaha kokona.

Na fakatino he fakaopoopoga ki na hihitemi ite tauhaga 2016 ke tau fofo ai te agai ki luga o na manakoga tau uila, kae na toe vave lele te toe agai ki luga o na manakoga tau uila. Ko na manakoga tau uila e agai pea ki luga ite 8.8% ite tauhaga, ma kua fakaoga ai na afi tiho ke fehoahoani ki te sola, ma kua 27% ai te uila e maua mai i na afi tiho. Ka he faia he galuega ki ei, e pa atu ki te tauhaga 2020, e ono paku kite 60% te malohiaga fakatenatula e maua, mae ono au atu ai kite 20% ite tauhaga 2022. Ka ono lahi atu ai foki na fakafitaaga e tutupu, ma lahi ai foki na tau o te tiho ka fakaopoopogia.

Ite tauhaga 2018, na maua atu ai he pepa mai te Minihita o te Malohiaga ma te Mataeke Malohiaga kite taua, ma tatau loa ke fakalahi te sola ma te toe hui o na mahini eiei nei aua kua leva te oola.

Ko tenei pihinihi fakatu, e talohaga atu ai kihe koulua maliliega aloakia ke fakaoga he \$9 miliona ke fakalahi ai te sola ma toe tahui o na mahini i na nuku takitahi. Ve ona lipoti atu kite Fono Fakamua, ko te tau matemate o tenei tekinikolo ma te fakapipika e \$7.5 miliona. Ko he tahi \$1.5 miliona e manakomia mon a koga, fakavae/tulaga ma ietahi tau.

Ko tenei Ata Fakapihinihi fakatu, na fatu ki na fakamatalaga ma na tau na fautuagia mai ai ite lipoti mai te Powersmart NZ ma te IT Power Australia

Kua iei he pepa kua tapena a te Ulu Fakatonu kite tautaliga mai a Niuhila ki te fakatagi atu a Tokelau mo he latou fehoahoaniga ki tenei poloketi.

KAUTU

Ko te kautu o tenei fakatu, ke talohaga atu ai mo he koulua maliliega ki he fakatupega mo te Fakalahiga o te Sola ma te Huiga o na mahini (TREEP).

Fautuaga:

- Fakalahi te sola i luga o na nuku ke mautinoa te taoga o te malohiaga;
- Hui na ma ei nei, aua kua fakalata ki te gataga ote latu ola, ma na mahini kina teklinikolo kua iei nei;
- Fenua ke fakatu ai te fakalahiga o te sola.

Ko te TREEP ka fofo ai na manakoga tau uila e ono pa ki ei, fakalelei atili te taoga ote uila, fakataigole na tau o na fakaleleiga vena foki ma na tiho

TALAAGA

Ko te Poloketi Malohiaga Fakatenatula Tokelau (TREP) i te tauhaga 2012, na kitea ai te fakapipikiga ma te fakaolaga o te hihitemi sola i luga o Fakaofo, Nukunonu ma Atafu. Ko te hihitemina fau I na vaega ienei. Na 4032 ia fata sola, 392 ia mahini (inverters), ma na ma e 1344. Ko te hihitemi na fakaaoga na ma e utu i na vai (acid) ke fakaputu ki ei te uila. Na mafai e te hihitemi ke fakamaliegia i luga atu ote 90% o te uila na manakomia i te tauhaga 2013.

Ko he taimi muamua foki kua lelei ai te hapalai holokatoa o te uila ki tagata. Ko na mea kai kua mafai ke teu ke tumau te latou lelei, kua mafai ke fakatino na galuega i na taimi e fetaui, kua he lahi te taimi e fano ke kuka ai, tamea, ma kua mafai foki ke faimea aoga i na po.

Nei, kua lahi na manakoga, ma agai pea ki lua i tauhaga uma talu te iei o he uila taoga ma Tokelau.

Ite tauhaga 2016, na toe fakaopoopo ai ni ma, mani fata sola ke fakalahi malie ai te hihitemi. Ite tauhaga 2018, e fia toe fakalahi te hihitemi ona ko na manakoga kua maualuga, ite toe fakaopoopo o ni ma, fata sola ma toe hui na mahini ma na ma eiei nei, ki na tahi itukaiga ma.

KIKILAGA LAUTELE

Ko te malohiaga fakatenatula, ko he vaega taua i na atiakega a Tokelau, kae maihe ai ki na lukitau ote huiga o te tau, malohiaga tumau, ma te maua pea o te avanoa ki te malohiaga. Ko he vaega taua foki ki te Peleni Taki a Tokelau (2010-2015), na matea ai ko Tokelau “*ko te motu muamua kua 100% ite fakaaoga ote malohiaga fakatenatula*”. E matau foki e te Malo o Tokelau, ko te sola e pito hili ona taugofie ma talafeagai ki tana hikomaga, ma taumafai pea ke 100% malohiaga fakatenatula. Ko te atiake pea lava la ote malohiaga fakatenatula ka fai e fia maua te 100% malohiaga fakatenatula e moemiti ki ei.

Ko na takitaki o na malo ite lalolagi, kua fakaoga e ki latou te Ata mo te Fakamautuuga o na Atiakega 2030 ma kua kamata fakatino te tahi hini o na Hini Atiakega Mautu Malo Kaufakatahi 2015. Ko te Hini 7: *Mautinoa ko te malohiaga e maua e tagata, e taugofie, fakamoemoegia, ma maua pea*. Ko te lalolagi e fia maua he malohiaga mama, mae e vena foki lava ia Tokelau.

Tauhaga 2017 na tuku aloakia mai ai e te Malo Kaufakatahi te Ata o na Maliliega a na Malo Kaufakatahi mo te Huiga o te Tau (UNCCC) ma te Maliliega i Paris ki Tokelau. Kua atili kitea ai na galuega a Tokelau ki te huiga o te tau, kae maihe ai lava tana malohiaga fakatenatula

I lalo o te *Ata mo te Fakatinoga mo te Fakamatuuga o te Malohiaga i te Pasefika 2010-2020*, e matau e na takitaki i te pasefika o te malohiaga mautu, e matea ka fai ko te malohiaga e maua e tagata i taimi uma e mama, taugofie ma lelei o na tautuaga kua maneke ai ki luga te olaga haoloto tagata.

Eiei na polihī ma na taki a Tokelau e fakatatia nei, e fakamakeke ai te taua o te malohiaga fakatenatula ki tagata nuku i luga o fenua.

Ko te *Ata mo te Auala ki Mua o te Malohiaga Tokelau 2015-2025*, e fakamatea ai te filiga pea ki te malohiaga fakatenatula mae, he vaega foki tenei e hao ai ia Tokelau ki te tau fofoga o na lukitau o te huiga o te tau.

Ko tenei fakatupega fakatu, e laina tutuha ai ia Tokelau ma na fakamoemoega tau malohiaga fakatenatula o na nuku lalahi ma te pasefika. Ko te auala ki he malohiaga mama ma taugofie e taua lele ki te ola malolo o tagata Tokelau.

Te tauhaga 2012, ko Tokelau na takimua e ia i te lalolagi ke 90% sola ihe mafaufauga e 100% malohiaga fakatenatula ite fakaaoga o ietahi auala. Ko he lakahaga uiga kehe foki tenei na fai e Tokelau ki te hui ki te malohiaga fakatenatula mae e manakomia lahi lelei ai te hapoti malohi mai a tagata. Ko te tu malohi na malohiaga fakatenatula a Tokelau ke '*fakalahi tana malohiaga fakatenatula*' e ve he moli kua fakamaina ki na tahi motu o te pasefika, kua fafagu ai ke toe fakalelei a latou malohiaga ma o latou hikohikomaga.

MATAKUPU

Kua iei he lagona taua, ke toe fakalahi loa te sola ke fofo ai, te lahi o te agai ki luga o na manakoga tau uila kua pa ki ei. Ko te agai ki luga o na manakoga, kua nofo mai ite 8.8% ite tauhaga kua he nafatia e te hihitemi sola ite taimi nei. Kua fakaaoga ai te afi tiho ke fehoahoani kite fofooga o na manakoga. Ona foki la, ko te maualuaga o na manakoga kua pa ki ei, kua vave ai te agai ki lalo o te lelei o na ma, mae kua pa ki te tulaga kua tatau loa ke hui ihe taimi vave.

Ka he faia he galuega ki ei nei, ka ono paku lelei ki lalo te malohiaga fakatenatula ki lalo ifo o te 60% i te tauhaga 2022. Ka ono lahi ai foki na fakafitaaga ka tutupu mai ai, kae maihe ai na tau ka vave te fano ki luga.

Kua kamata nei ona fakahetonu te paoa aua kua maualuga na manakoga ite aofaki o te uila e maua. E matau ai, ko na manakoga e 8.8% ite tauhaga te agai ki ligi mo te 10 tauhaga e hau ona ko na atiakega ma na manakoga.

Ei loto na vaega ienei:

- hikitiaga mai o te ofiha mai Apia ki Tokelau.
- fale mo te ueea neti e taki mai ite tai 40kW i Nukunonu, 25kW i Fakaofo, ma te 20kW i Atafu.
- manakoga tau ea malulu ina fale faigaeuga, fale tala vai, ma na koga e teu ai na mahini a na mataeke valevale.

FOFOOGA E FAUTUAGA

Fatu ki na fautuaga i he kikilaga mai te Powersmart, e fautua;

- toe fakaopoopo 225kWp fata sola ki na hihitemi
- fakaaoga na ma 1,989kWh Tesla PowerPack 2.5 lithium ion ma na mahini Tesla 504kW.
- fakamautinoa he koga 2,100m² ke fakatu ai.

Ko tenei kikilaga e mautinoa ai te i luga atu o te 90% malohiaga mo te tahi 10 tauhaga ka uma te fakaola, mae e tatau ke iloilo na manakoga tau uila i loto o te 5 tauhaga.

TAU MATEMATE O TE POLOKETI

Tau katoa NZ\$9 miliona. E auilili atu ite ata i lalo na tau o na vaega takitahi, mae fakaataata ai foki na vaega e fia fakatalanoa ma na Taupulega mo he latou hao.

Budget items	Ratio	Cost NZD
Additional 225kWp Solar PV panels per village Fata sola	Increase the solar power output (Fixed cost) sola e maua (tau katoa)	2,260,000
Battery 9 Tesla PowerPack 2.5 with Tesla 504kW Inverter Ma, ma na mahini	Increase capacity, reduce maintenance, 15 years plus life (fixed cost) Lahi te aofaki ote uila, taigole o na fakaleleiga ma te 15 tauhaga ki lug ate ola (tau katoa)	4,267,000
Installation Services of Solar specialist provider Vaega fakapitoa mo te fakapipikiga	Estimated cost Tau matemate	973,000
Project Management and Oversight by Engineer to contract Fakahoa o te poloketi	Tender and contract management support, monitoring, surveillance and quality assurance (External cost for RE specialist) Pulepulega, tautukuga, mautinoa te lelei	250,000
Contingency Vaega fakaleoleo mo ietahi tau	Exchange rate, inflation, transport & uncertainties Malaga ma ie tahai tau	750,000
Land for PV expansion, Clearing site, earthworks, material and labour for foundations Koga, fakamamaga, ma tino faigaluega mon a tulaga	Taupulega to provide land, labour and cover costs of materials & land including other local costs from electricity revenue (Cash-power revenue) Tau fakaloto i fale, koga	500,000 (\$166,500 each village)
Total cost Tau aofaki		9,000,000

E matau te hapoti mai a na nuku kina kelekele ma na tino faigaluega mai na fakatalatalanoaga na fai.

FAKAMATALAGA

Ko na fakamatalaga na maua mai i na pepa na maua e fakapepa kehe:

- Iloiloga Sola a te Powersmart, 2018
- Poloketi fakalahiga Malohiaga Fakatenatula Tokelau ITP 2018
- Fautuaga ma na Fakamatalaga Mataeke Malohiaga June 2018
- Pepa fautua a te Mataeke Malohiaga, Poloketi Fakalahiga o te Sola ,2018
- Polihia ma te Peleni Tahi Malohiaga Atunuku, 2016 (NEPSAP)
- Ola ini Huiga: Peleni Taki Tukufakatahiga a Tokelau ki te Huiga o te Tau ma ona Fakafitaga, 2017

PEPA FAKAOPOOPO 2

Statement of REV and EXP	FULL YEAR BUDGET 2018/2019	Deduct Prior Year overspend	Recommended changes	Revised Budget	Comments	Prior Year variance
REVENUE						
NZ FUNDING						
NZ Budget Support	13,500,000		0	13,500,000		
Total NZ FUNDING	13,500,000	0	0	13,500,000		0
TOKELAU LOCAL REVENUE						
EEZ / Fisheries Revenue	17,650,000		0	17,650,000		
Community Services Levy	950,000		50,000	1,000,000	<i>New revenue</i>	
Freights Revenue	450,000		110,000	560,000		
Import Duty Revenue	1,080,000		250,000	1,330,000		
Boat Fares	180,000		170,000	350,000		
Commemorative Coins	200,000		-80,000	120,000		
Miscellaneous Revenues	810,000		-60,000	750,000		
Total TOKELAU LOCAL REVENUE	21,320,000	0	440,000	21,760,000		0
NZ PROJECT FUNDING	500,000		0	500,000		
Total REVENUE	35,320,000	0	440,000	35,760,000		0
RECURRENT BUDGET: BASELINE EXPENDITURE						
VILLAGE EXPENDITURE						
Atafu Village	3,583,000	-89,000	0	3,494,000		445,000
Fakaofo Village	3,611,000	-145,600	100,000	3,565,400	partial hospital fitout	728,000
Nukunonu Village	3,133,000	-9,000	0	3,124,000		45,000
Total VILLAGE EXPENDITURE	10,327,000	-243,600	100,000	10,183,400		1,218,000
DEPARTMENT EXPENDITURE						
Department of EDNRE	900,000	-91,200	0	808,800		456,000
Department of Climate Change	455,000	-8,400	0	446,600		42,000
Department of Education	2,920,000		330,000	3,250,000	<i>Scholarships requirement</i>	615,000
Department of Energy	400,000	-18,000	0	382,000		90,000
Department of Finance	952,000	-14,800	0	937,200		74,000
Ministry of Fisheries	910,000	0	0	910,000		0
Department of Health	2,155,000		900,000	3,055,000	<i>TPRS requirement (\$1m)</i>	595,000
Department of OCOG	1,420,000	-74,000	240,000	1,586,000		370,000
Public Service Commissioner	306,000	0	0	306,000		0
Department of Support Services	665,000	-4,400	0	660,600		22,000
Department of Transport	5,499,000	0	0	5,499,000		0
Total DEPARTMENT EXPENDITURE	16,582,000	-210,800	1,470,000	17,841,200		2,264,000
OTHERS	2,061,000		-800,000	1,261,000	Council allocation moved to Teletok	
Total BASELINE EXPENDITURE	28,970,000	-454,400	770,000	29,285,600		3,482,000
CAPITAL DEVELOPMENT BUDGET: PROJECT EXPENDITURE						
ATAFU VILLAGE PROJECTS	450,000		-	450,000		
FAKAOFO VILLAGE PROJECTS	450,000		-	450,000		
NUKUNONU VILLAGE PROJECTS	450,000		-	450,000		
TOKELAU NATIONAL PROJECTS						
Tokelau APIA Office	230,000		100,000	330,000	<i>Fit out costs (stage 1)</i>	
For Allocation	0		0		<i>0 new school boat (next year)</i>	
Ship to Shore Infras Project	100,000		-	100,000	top up to agreed contribution level	
Tokelau Interim Air Service	0		-	0		
Submarine Internet Cable	2,000,000		-	2,000,000	delay in project starting	
Energy Infrastructure Upgrades	200,000		-	200,000		
Cargo Supply Vessel	800,000		-	800,000	final capital costs	
Sectoral Developments						
- Fisheries	0		-	0		
- Teletok	0		800,000	800,000	From Council allocation above	
- Other	0		100,000	100,000	<i>Atafu Admin building</i>	
- South Pacific Games	0		135,000	135,000	<i>SPG New Funding Request</i>	
	3,330,000	0	1,135,000	4,465,000		0
Total PROJECT EXPENDITURE	4,680,000	0	1,135,000	5,815,000		0
NET SURPLUS/(DEFICIT)	1,670,000	454,400	-1,465,000	659,400		-3,482,000
less prior year budget allocation			0	0		
NET SURPLUS/(DEFICIT)	1,670,000	454,400	-1,465,000	659,400	Surplus was reqired to offset p/y over	-3,482,000

TOKELAU CAPITAL DEVELOPMENT PROJECTS C/FWD 2016

ATAFU VILLAGE PROJECTS				
Administration Building	725,376		725,376	
Seawall Infrastructure	42,790		42,790	
Fatupaepae Centre	60,000		60,000	
Incinerator Facility	25,000		25,000	
Total ATAFU VILLAGE PROJECTS	853,166	0	853,166	0
FAKAOFO VILLAGE PROJECTS				
Fenuafala Hospital	12,150		12,150	
Fatupaepae Centre	2,350		2,350	
Seawall Infrastructure	82,509		82,509	
Total FAKAOFO VILLAGE PROJECTS	97,009	0	97,009	0
NUKUNONU VILLAGE PROJECTS				
Matiti School	273,556		273,556	
Fatupaepae Centre	48,576		48,576	
Seawall Infrastructure	69,365		69,365	
Incentive Funds 2016	0		0	
Total NUKUNONU VILLAGE PROJECTS	391,497	0	391,497	0
NATIONAL PRIORITY ITEMS				
Census 2016 (OCOG)	0		0 To be closed	
Education Incentivization	1,500,000		1,500,000 reflects spending charged to ZP accounts	
Minister Office: Education	12,170		12,170 To be closed	
Energy Improvement Project	425,186		425,186 Year 3 of 3 now complete	
Financial Assist: Villages	14,286		14,286 To be closed	
TPRS: Health Patients	160,616		160,616 Oversepending reflected also in village budget	
Health - Incentive Funds 2016	25,866		25,866 To be closed	
Total NATIONAL PRIORITY ITEMS	2,138,124	0	2,138,124	0
Total PROJECT EXPENDITURE C/FWD 2016	3,479,796	0	3,479,796	0

PEPA FAKAOPPOPO 3: Kotokotoga ona fakamatalaga mona fakafanoqa tupe o te Hikimi Hikiga Tauale a Tokelau mo na tauhaga tupe 201516, 201617, 201718, ke pa mai kia Tehema 2018

KAUTU

Ko te kautu o te pepa tenei ke tuku atu ai ni fakamatalaga pukupuku agai kina fakafanoqa tupe o te Hikimi Hikiga tauale a Tokelau e ve ko te koulua tonu i te tauhaga kua teka.


E matau e te pepa te iloiloga o te hikimi e fakahavali nei ma e fakamoemoe lahi ka tuku mai te lipoti mo ni fautuaga ke fakalelei atili ai te fakagalue o te koulua hikimi i he taimi lata mai ka kua tuku atu na fakamatalaga ienei ke fehoahoani atu ki na vaega na talanoagia e koulua agai kina fakafanoqa tupe o te koulua hikimi.

KOTOKOTOGA ONA FAKAMAUMAUGA


Laulau 1: numela ona tauale hiki ina tauhaga taki tahi ma na tupe fakafano

Tauhaga tupe	Aofaki ona tauale hiki			Tupe fakafano NZD
FY 201516	Apia	NZ	Total	\$453,394
aafa muamua	22	1	23	
Aafa tona lua	14	1	15	
Aofaki	36	2	38	
FY201617	Apia	NZ	Total	\$426,045
Aafa muamua	23	3	26	
Aafa tona luna	28	12	40	
Aofaki	51	15	66	
FY201718	Apia	NZ	Total	\$1,056,976
Aafa muamua	42	10	52	
Aafa tona lua	26	11	37	
Aofaki	68	21	89	
FY 201819				
Aafa muamua (1 Iulai- Tehema 2018)	19	23	42	\$955,907

Ata 1: Aofaki ona tauale hiki ki Apia ma Niu Hila ina tauhaga tuge kua teka



Ata 2: Fakafanoga tuge mot e Hikimi ina tauhaga tuge kua teka



**Laulau 2: Kotokotoga ona fakafanoga tupe mote Hikimi ina tauhaga tupe e lua kua teka
(FY 201617 & 201718)**

FAKAMALAGA	2016/2017'	2017/2018'
Alauni mona koga e nofo ai	\$114,461.14	\$414,034.68
Pahehe vaka/vakalele	\$57,695.47	\$107,380.06
Alauni meakai, kie mana tau likiliki (CMI/Clothing)	\$108,785.05	\$359,345.62
Pemita	644.44	4,544.42
Tau mona tavale/taxi	18,845.15	20,903.55
Tau ona togafitiga	121,991.81	145,814.19
Na tahi tau likiliki	3,205.32	4,048.69
Aofaki	\$426,045.04	\$1,056,976.23

FAKAMALAGA

Kikilaga fakalauaitele

- E matau te agai pea ki luga te aofaki o na tauale e kave I lalo o te Hikimi ma ko te matauga ki te lua tauhaga faka te tupe kua teka, e matolu lahi kia tekilatou e maua I na tauale e he pipihi ma na faeleele. (Ata 1). Nae matemate e te Mataeke, e venei te tulaga e pa kiei, (e agai ki luga te aofaki o na tauale hiki) ona ai ko te tulaga o na lipoti o te iloiloga “Lakapoto” ite 2005 ma te 2014 ma ietahi fakamaumauga I na falemai e veia ona fakatalanoagia ite fono a na takitaki o Tokelau mo na tauale e he pipihi I te 2017. I he matauga e venei lava te ata e pa kiei I te tahi lima tauhaga I mua.faka te tupe
- Ona ko te natula o ietahi tauale e mataloa to na fefaiakiga ke maui pe fōfō ftkg, tauale huka ma te toto maualuga, Ko ietahi tauale venei e mataloa te nonofo I Hamoa pe ko Niuhila ke totoka na togafitiga. Ko te mataloa e mahani fano ai he tauale I lalo o te hikimi e 1 kite 2 mahina kae iei na tauale I lalo I te hikimi kua maua te 4 mahina pe ova atu I Hamoa mon a togafitiga o te tauale huka. Kua iei foki na tauale I lalo o te Hikimi kua katoa te tauhaga pe ova atu foki I Niuhila ftkg ko na tauale kua maua I te kaneha ma na tauale o na pogaivi. Ko he vaega mahani tenei talu te fakagalue o te hikimi.
- E matau kua agai foki ki luga te aofaki o na tauale I lalo o te hikimi e hakili togafiti ki Niuhila ona kua he maua I Hamoa (Ata 1). Ke matau foki e koulua kua tokalahi foki na tauale kua taulia ke kave I lalo I te hikimi I na pepa nofo tumau kae ko heki maua na hitiheni (e heki iei ni tuhi folau Niuhila). Ko te matoluga o kilatou ienei e manakomia ni togafitiga feololo ftkg, togafitiga mo te kaneha e tatau ai ke I Niuhila mo na vaega ienei. Matau ko kilatou ienei e he taulia I lalo o te hihitemi a Niuhila, Ko to na uiga ko na tau o na togafitiga o kilatou ienei e pili faka tino kehe ma e faka lua, faka tolugia pe ova atu foki te lahi o te tau e fakaopoopo.

Ko kilatou foki ienei e he tauilia I na fakamanuiaga e maua mai I te WINZ e veia ko na tauale kua kua iei na tuhi folau Niuhila. Ko na fakamanuiaga (alauni) e fakaauau e te hikimi. E hē gata I tena, e mataloa foki te nofo I Niuhila ke totoka na hiakiga ma na togafitiga ona ko te tulaga o na hē malohi na hiki ai.

Fakafanoga tupe

- Kua matau te **lahi** o te fakafanoga tupe mai lalo o te Hikimi Hiki Tauale I te tauhaga tupe 2017/18 fakatuhatuha kit e lua tauhaga faka te tupe kua teka (Ata 2). E tuha e he iei he kehekehega lahi kit e aofaki o na tauale (luahefulu ma ona tupu e lahi ai I te tauhaga) (puha 1)
- Ko na matauga ienei kua mafua ai te agai ki luga o te fakafanoga tupe I te FY2017/18
 - Ia iulai 2017 na hiki ai te aofaki o na fakamanuiaga (alauni) o kilatou e kave I lalo o te Hikimi hiki tauale ki Hamoa ma Niuhila (e fakapipiki atu I tua te maliliega a te Fonofakamua). Na kamata te hikitaga tenei I te tauhaga tupe 2017/18.
 - Fakatuhatuha o te aofaki o na tauale hiki ite TT2015/16 ki te TT 2016/17, e toka 28 e tokalahi ai ite TT2016/17 kae he lahi he kehekehega I te tulaga o te fakafanoga tupe. Fakatuhatuha o te TT2016/17 ma te TT2017/18, e toka 23 na tokalahi ai kae kua matea te lahi o te fakafanoga tupe e tuha ma te \$1,056,976.00 (puha 1) e fakapipiki atu I tua te fakatuhatuha o na alauni I mua atu o te hikitaga ma te taimi na fakatino ai te tonu.
 - Ko te puha 2 I luga e fakamatala ai te fakafanoga tupe o te tauhaga tupe 2016/17 (I mua atu o te tonu mo te hikitaga o na alauni) ve na ma te ata o te fakafanoga tupe I te TT2017/18 (kua fakatino ai te tonu a te Fonofakamua mo te hikitaga). Matau te kehekehega ma te lahi o te fakafanoga tupe I te TT2017/18.
- I he kikilaga ki na fakamaumauga kua tuku atu, kua matau ai ko te pogai kautu kua lahi ve ai te aofaki o te fakafanoga tupe o te TT2017/18 ma te aafa muamua o te TT2018/19 ko te hikitaga na fai ki na alauni o na tauale ma na tauhi tauale. I te 6 mahina muamua o te tauhaga tupe tenei 2018/19 kua maua te aafa o te aofaki o tauale I te TT2017/18, kae kua matau kua katoa te miliona (Ata 2). Kafai e fakaauau I te tulaga tenei e matemate e ono venei lava te ata e pa kiei mote tahi ono mahina (fakaluagia te aofaki e iei I te taimi nei).

PEPA FAKAPIPIKI 1

A. Kotokotoga ona alauni mo he tauale fokotahi: fakatuhatuha te levolo naeiei, ma te levolo kua iei nei fua kite pahiaga a te Fonofakamua lulai 2017

Tokelau (NZD)	Levolo tuai		Levolo e iei nei (lulai 2017)	
	Aho	Lua vaiaho	Aho	lua vaiaho
Alauni mona tau likiliki	\$15/aho		\$20/aho	
Meakai	\$15/aho		\$20/aho	
Fale e nonofo	\$20/aho	\$700/tino/lua vaiaho	\$20/aho	\$840/tino/lua vaiaho
Aofaki mote tauale/tauhi		(\$700/lua vaiaho mote tauale \$700/lua vaiaho mote tauhi tauale)		(\$840/lua vaiaho mote tauale \$840/lua vaiaho mote tauhi tauale)
Aofaki o te alauni mo he tauale fokotahi I lalo o te hikimi I luga o Tokelau/ I he lua vaiaho		\$1,400 NZD/lua vaiaho		\$1,680 NZD/ lua vaiaho
Apia (WST)		Levolo tuai		Levolo e iei nei (lulai 2017)
Alauni mona tau likiliki	\$25/aho		\$50/aho	
Meakai	\$25/aho		\$50/aho	
Fale e nonofo	\$25/aho	\$1050 WST/tino/lua vaiaho	\$50/aho	\$2,100/tino/lua vaiaho
Aofaki mote tauale/tauhi		\$1,050 WST/lua vaiaho mote tauale		\$2,100 WST/lua vaiaho mote tauale

	\$1050 WST/lua vaiaho mote tauhi tauale		\$2,100 WST /lua vaiaho/ tauhi tauale	
Aofaki o te alauni mo he tauale fokotahi I lalo o te hikimi I luga o Apia/ I he lua vaiaho	\$2,100 WST/ lua vaiaho		\$4,200 WST/lua vaiaho	
	Levolo tuai		Levolo eiei nei (lulai 2017)	
NZ (NZD)	1st 3wks			
Alauni mona tau likiliki	\$25/aho		\$50/aho	
Meakai	\$25/aho		\$50/aho	
Fale e nonofo	\$40/aho	\$1890/tino/3 vaiaho	\$80/aho	\$3780/tino/3 vaiaho
Tupe mona kie		\$300/tino/3 tauhaga		\$680/tino/3 tauhaga
Aofaki mote tauale ma te tauhi		\$1890 NZD/3 vaiaho mote tauale \$1,890 NZD/3 vaiaho mote tauhi tauale		\$3,780 NZD/3 vaiaho mot e tauale \$3,780 NZD/3 vaiaho mote tauhi tauale
Tupe mona kie		\$300 mo te tauale \$300 mo te tauhi tauale		\$680 mo te tauale \$680 mo te tauhi tauale
Aofaki ona alauni mo he tauale fokotahi mo Niu hila I he 3 vaiaho		\$4,380 NZD/3 vaiaho		\$8,920 NZD/3 vaiaho

PEPA FAKAOPPOOPO 4

[MATAU: O NA KO TE HE KATOA O TE GAGANA KI TE HUKETUHI MA TANA KAUFAGALUEGA, KO TE FAKALILIUGA E HE ALOAKIA E TE HUKETUHI. KAFAI E FETA TE MALAMALAMAGA I NA GAGANA E LUA, KO TE GAGANA PELETANIA O TE LIPOTI A TE HUKETUHI KO NA TUHITUHIGA ALOAKIA IA.]

LIPOTI TUTOKATAHI A TE HUKETUHI HILI

KI TE FONO FAKAMUA

LIPOTI TUPE A TE MALO O TOKELAU MO TE TAUHAGA KI TE AHO

30 IUNI 2015

Na fakaaoga e au taku kaufaigaluega ma aku lihohi ke hukehuke ai na lipoti tupe a te Malo o Tokelau i te pahina 2 ki te 13 eiei ai:

- te lipoti o te tulaga o te tupe ki te aho 30 Iuni 2015, te lipoti ki te fakagalue o te tupe, ma te lipoti ki te tulaga o te tino i tupe maua ma fakafano mo te tauhaga ki te aho 30 Iuni 2015, ma te lipoti o na polihī tau fakamaumauga tau tupe vena foki ma na fakamatalaga e tuha ai ko te faitauga o na lipoti takitahi; ma
- te lipoti o na kaitalafu ma ni totogiga tupe e ono ie, te lipoti o ni fakatupega fakaleoleo, ma te lipoti o na tupe kaitalafu i te aho 30 Iuni 2015, ma te lipoti o ni fakafanogatupe e heki fuafuagia vena foki ma he lipoti o na fakafanogatupe mo ni fakalavelave fakafuaheki mo te tauhaga ki te aho 30 Iuni 2015.

Ni vaega lalahi kua fakamatea e au i fakatinoga a taku hukegatuhi

I te fakatinoga o taku hukegatuhi e heki maua e au ni fakamaumauga ke fakamaonia ai na tau e \$9.902m mo te kaufaigaluega i te Matauga 5 o te lipoti tupe, na aofakiga e tuku mai mo na mataeke takitahi ma na nuku i te Lipoti o te Fakagalue o te Tupe, aua ko na tau mo te kaufaigaluega e opotia ki na aofakiga ienei, ma, ko te tupe maua mai na lafoga mai na totogi e kaiga foki ki

na tau ienei mo te kaufaigaluega. E heki lava foki ni fakamaumauga na tuku mai e tuha ai ko te aofaki \$1.014m i te Matauga 4 i na lipoti tupe.

Taofi pe ko te Lagona fakahuketuhi e tuha ai ko na Lipoti Tupe mo te Tauhaga

I taku taofi, vagana ai na vaega lalahi kua fakamatea atu i luga, ko na lipoti tupe a te Malo o Tokelau, ieia kua tapena e tuha ai ko na Tulafono Tupe a Tokelau 1998, ma na fakatonuga a te Fono Fakamua e kaiga ki na lipoti tupe i te pahina 2 ki te 13:

- e maua ai he kikilaga mooni ma lelei, i na vaega lalahi uma mo te Malo o Tokelau:
 - i te tulaga eiei ai tana fakatugea i te aho 30 Iuni 2015;
 - i te tulaga na fakalue ai tana fakatugea ma te tino i tupe mo te tauhaga ki aho 30 Iuni 2015; ma na kaitalafu ma ni totogiga tupe e ono ieia, na fakatugea fakaleoleo, ma
 - na kaitalafu ki te aho 30 Iuni 2015, vena ma na fakafanogatupe e heki fuafuagia, na fakafanogatupe mo ni fakalavelave fakafuaheki mo e tauhaga tupe kua takua;
- e tauhihi ki na faiga mahani e aloakia mo te fakamaumauga o na tupe e ve o na tonu kiei te Malo o Tokelau.

Taofi pe lagona fakahuketuhi e tuha ai ko te tauhihi ki na Tulafono Tupe a Tokelau 1998

E tuha ai ko te Tulafono 13 o na Tulafono Tupe a Tokelau 1998, e lipoti atu e au i toku lagona, vagana ai na vaega na ikuga o na vaega kua tuku atu i luga, ko na fakamaumauga ma i te mea na ko kitea i taku hukehukega o na fakamaumauga kua takua, e olotutuha ma na lipoti tupe mo te tauhaga.

Fakatahi ai, e lipoti foki e au i toku lagona, vagana ai ko na vaega lalahi kua takua i luga, ko te pulepulega o na vaega tau tupe a te Malo o Tokelau e talafeagai fuafua ki na faiga mahani ma te atamai, fatu ki na vaega na matea i taku hukegatuhi ki na lipoti tupe mo te tauhaga, e ui e kavea e au te avanoa tenei ke fakamatea mo koulua i te fakafanoga tupe o te tauhaga e iei te \$19,000 na fakafano i na *credit cards* e ni tino e faigaluega i te Malo o Tokelau kae e heki iei ni fakamaumauga talafeagai na maua ke fakamatala ai te mafuaga o te fakafano o he vaega tupe.

Na maea taku hukegatuhi i te aho 20 Tehema 2018. Ko te aho ia e tuku atu ai toku lagona. Ko te mafuaga o toku lagona e fakamatala atu i lalo.

Fakatahi ai ma te tuku atu o na tiute o te Malo o Tokelau ma e fakamalamalama atu ai foki toku tutokatahi.

Fakavae o toku lagona

I te fakaaogaga o taku kaufaigaluega, na fakatino e au te hukegatuhi e tuha ai ko na Hitene Huketuhi a te Huketuhi Hili. E opotia i te vaega tenei na Hitene Fakavaomalo mo Hukegatuhi (Niuhila). E manakomia e na hitene ienei ke tauhihi ki te amio tonu. E manakomia foki e na hitene ienei ko au ke peleni taku hukegatuhi ke mautinoa i he tulaga maualuga he loto totoka ko na lipoti tupe e mooni e heai ni fakamaumauga talapepelo (Tulou) i loto.

Ko ni fakamaumauga talapepelo (Tulou) ko ni kehekehenga pe ni vaega kua he lipotia, i haku fuafuaga, e ono kehe ai he malamalamaga o he tino e faitau ki na lipoti tupe. E heai he faiga talafeagai tau huketuhi na mafai ke fakaaoga e au ke fakamaonia ai na tau mo te kaufaigaluega ma na tupe maua mai na lafoga mai na totogi. E heki mafai foki la e au ke fakamautinoa pe iei ni fakamaumauga pe ni fakamatala talapepelo (aofaki) i na aofaki ienei e ve o na takua i takua i toku lagona kua tuku atu.

E aofia i he hukegatuhi ni faiga e maua ai ni fakamaoniaga e tuha ai ko na aofaki ma na fakamatala e tuku mai i loto o na lipoti tupe taki tauhaga.

Ko na faiga e fakaaoga e fuafua ki e au, e aofia ai haku kikilaga ki te tulaga ono fakapokepoke ai he fakamaumauga pe ko he fakamatalaga talapepelo (Tulou) i loto i na lipoti tupe, puna mai i he pahala pe ko he tulaga he fakamaoni. I te fakataunukuga o taku kikilaga ki te tulaga ono fakapokepoke, na aofia ai foki haku tagaki ki puipuiga fakalotoifale e talafeagai ma te tapenaga o na lipoti taki tauhaga a te Malo o Tokelau e atafia ai he ata talafeagai o na vaega e kaiga kiei. Na kikila au ki na puipuiga fakalotoifale kae ke tukufakatahi ai e au na faiga tau huketuhi e talafeagai e tuha ai ko te galuega kae he veake ko te mafuaga o taku kikila ki te vaega tenei kae ke tuku atu ai hoku lagona pe lelei pe he lelei na puipuiga fakalotoifale a te Malo o Tokelau.

E afia foki i loto o he hukegatuhi he kikilaga:

- pe talafeagai na polihī tau fakamaumauga o te tupe e fakaaoga ma pe nae tauhihi foki ki na polihī ienei i taimi uma;
- pe talafeagai ma paleni lelei na matematega lalahi ma na filifiliga na fakatino;
- pe tulaga lelei na fakamatalaga ma na fakamaumauga e afia i loto o na lipoti tupe taki tauhaga; ma
- te katoaga o te tukufakatahiga o na lipoti tupe taki tauhaga.

E heki hukehuke e taku kaufaigaluega na fakafanogatupe ma na tupe maua uma. I he tulaga venei, e he fakamaonia e au te hako katoatoa o na lipoti tupe taki tauhaga.

E heki maua uma e au na fakamaumauga ma na fakamatalaga na manakomia e au kae e talitonu au na lava ma talafeagai na fakamaoniaga tau huketuhi na maua e au ke fatu kiei hoku lagona fakahuketuhi.

Tiute o te Malo

Ko he tiute o te Malo o Tokelau ke tapena ni lipoti tupe takitauhaga e:

- Maua ai he tala mooni ma talafeagai, i na vaega uma, e tuha ai ko te tulaga tau tupe, te fakaaogaga o te tupe ma te tino i tupe a te Malo o Tokelau;
- Maua ai he tala mooni ma talafeagai, i na vaega uma, e tuha ai ko na kaitalafu ma na totogiga tupe e ono iei, na fakafanogatupe e heki fuafuagia, na fakafanogatupe mo fakalavelave fakafuaheki, tupe fakaleoleo, ma na kaitalafu a te Malo o Tokelau; ma
- E tauhihi ki na faiga mahani mo fakamaumauga o na tupe kua malilie kiei te Malo o Tokelau.

Ko na tiute o te Malo e puna mai i na Tulafono Tupe a Tokelau 1998 ma na tonu fai a te Fono Fakamua e kaiga ki na lipoti tupe taki tauhaga.

He tiute foki o te Malo o Tokelau na puipuiga fakalotoifale e malilie kiei e talafeagai ke tapena ai ni lipoti taki tauhaga e heai ni fakamatatalaga pepelo (Tulou) i loto o na ko he pahala pe he faiga he fakamaoni. He tiute foki o te Malo o Tokelau te lomiga o ana lipoti tupe taki tauhaga, pe lomi tuhi pe kui i na auala fakaonaponei (*electronic form*).

Tiute o te Huketuhi

He tiute eo oku ke tuku atu hoku taofi pe he lagona tutokatahi e tuha ai ko na lipoti tupe taki tauhaga ma lipoti atu toku lagona fakavae ki taku hukegatuhi. Ko toku tiute e puna mai i te Tulafono 13 o na Tulafono Tupe a Tokelau 1998.


Tutokatahi

I te fakataunukuga o te hukegatuhi, na tauhihi taku kaufaigaluega ki oku manakoga ke tutokatahi. He manakoga foki tenei, te tutokatahi, i lalo o na tukutukuga a te Komiti Fakafoe a Niuhila mo na Lipotiga ki Fafo (*New Zealand External Reporting Board*).

I toku tofi ko he Ofiha o te Palemene o Niuhila, e heai hoku hokotaga tau tulafono fakavae pe i taku galue tumau ma te Malo o Tokelau i te fakatinoga o taku galuega ma oku tiute i lalo o na Tulafono Tupe a Tokelau 1998, i te tofi huketahi mo te Malo o Tokelau. E heai haku hokotaga pe he initalehi i te Malo.

Hainia e

John Ryan
Controller and Auditor-General
Wellington, New Zealand



LIPOTI O NA GALUEGA FAKAAUAU A TE MALO

FONO FAKAMUA

4 – 8 Mati 2019

Atafu

TOKELAU

	MATAKUPU
	Fakatomuaga
I.	Ikugafono Oketopa 2018 – Ianuali 2019 A. 19 Oketopa kui i te Telefoni B. 04 Novema, Fakaofo C. 24 Tehema kui i te Telefoni D. 23 January 2019, Atafu
II.	Huiga i ni Tofi Galue Taua i te Kaufaigaluega i te Atunuku
III.	Lipoti mai ni Fonotaga i Fafo A. Huiga ki te Tau

FAKATOMUAGA

E tuha ai ma te Vaega 6(7) o te Tulafono Fakavae a Tokelau e manakomia te Malo Fakaauau ke lipoti ki te Fono Fakamua I tana fonotaga ka hohoko, ana fakatinoga ki na galuega e fakatino ai te pule a te Fono Fakamua.

Ko te kautu o te lipoti tenei e fakailoa atu ai ki te Fono Fakamua na ikugafono a te malo na fai e te Malo Fakaauau i te taimi e he nofoia ai te Fono Fakamua.

Ofiha o te Fono a te Malo Fakaauau

I. IKUGAFONO, OKETOPA 2018 – IANUALI 2019

A. 19 Oketopa 2018

1. FAKATUPEGA O TE HIKIMI TAUALE HIKITIA (TPRS)

I he matauga o te lahi o te ova o te tupe fakafano ma te manakomia ke fakaauau te tautuaga tenei, na **malilie** te Malo Fakaauau ke tuku atu te fakatu ke fakatalanoa i te Fono Fakamua.

2. LIPOTI TAKI TAUHAGA KI TE AHO 30 IUNI 2018 MAI TE TEUGA TUPE FAKAVAOMALO A TOKLEAU

I te kua maua o te lipoti ma kua totoka te galuega a te huketuhi kiei, na **matau** e te Malo Fakaauau te olatia o te teuga tupe ma **malilie** ke tuku atu te lipoti ki te Fono Fakamua ma te Taupulega.

3. LIPOTI TUPE

3.1 FAKAATAATAGA O TE LIPOTI MO TE TAUHAGA TUPE 2017/2018

I te kua maua o he fakaataataga mo te tauhaga tupe kua teka, na **fakaleo** ai he fakafetai lahi a te Malo Fakaauau ki te Mataeke i te kua iei o he ata fakaataata i he taimi vave. Mo te tapena atu ki te iloiloga o te tupe i te kamataga o te tauhaga fou, na **malilie** te Malo Fakaauau ke tufa atu loa te fakaataataga tenei ki te Fono Fakamua ma te Taupulega.

3.2 KUATA MUAMUA MO TE TAUHAGA TUPE 2018/2019

Na **matau** e te Malo Fakaauau te lipoti tupe mo te kuata muamua ma **malilie** ke tuku atu ki te Fono Fakamua ma te Taupulega mo he matauga.

4. TOE FAKAFOU MA FAKALAHU TE HIHITEMI MO HE MALOHIAGA FAKATENATULA

Na kikila te Malo Fakaauau ki he kotokotoga o na fautuaga mai he iloiloga tutokatahi o na manakoga tau eletihe o Tokelau fakatahi ai ma he fakatu ke toe fakafou ma fakalahi te hihitemi e iei nei ke tautali ai na manakoga. I ni talanoaga lautele, ko te Malo Fakaauau na:

- i) **matau:**
 - a. na maua i te iloiloga ko na manakoga e fano ki luga i he 8.8 pahene i na tauhaga takitahi;
 - b. e foliga mai e agai pea ki luga na manakoga i te hikitia mai o na tautuaga i Apia ki luga o fenua;
 - c. e fautuagia e te iloiloga ke fakaopoopo he taki 225kWp mo na nuku takitahi; ma
 - d. ko te tau matemate ke fakafou ma fakalahi ai te hihitemi e \$7,437,000.
- ii) **malilie** ke tuku atu te fakatu ke fakatalanoa i te Fono Fakamua.

5. LIPOTI A TE OFIHA HUKEHUKO O AKOAKOGA (ERO)

I te kua maua o he lipoti e tuha ai ko hetahi iloiloga o na akoga e te Ofiha Iloilo Akoakoga a Niuhila, ko te Malo Fakaauau na:

- i) **matau** kua maua e na akog takitahi he tuhi e kotokoto ai na ikuga o te iloiloga fakatahi ai ma ni fofo e fautuagia;
- ii) **matau** foki ko te Mataeke, i he galulue fakatahi ma na akoga, kua tapena he peleni galue mo e fakataunukuga o na fofo;
- iii) **matau** foki ko te fakataunukuga e manakomia ai he fakatupuega fakaopoopo; ma
- iv) **malilie** ke tuku atu te lipoti ma te peleni galue kua fautuagia ke fakatalanoa i te Fono Fakamua.

6. FONOTAGA MO AKOAKOGA

I he matauga ko te manatu ke nofoia he fonotaga lahi mo akoakoga na puna mai na fakatutuga o te lipoti mai te iloiloga a te ERO, ko te Malo Fakaauau na:

- i) **lagolago** te manakoga ke nofoia he fonotaga lahi mo akoakoga ma na matau foki te valakaulia o na hui i te Malo Fakaauau ke auai atu kiei;
- ii) **matau** e ono fetaui lelei te nofoia o he fonotaga tenei ma he malaga a te Palemia o Niuhila; ma
- iii) **malilie** ke tuku atu te fakatu tenei ki te Fono Fakamua mo hana kikilaga totoka kiei.

7. LIPOTI O NA GALUEGA FAKAAUAU

Na **pahia** e te Malo Fakaauau te Lipoti o Galuega Fakaauau e ve o na tuku atu kiei ke kavea ma ana lipoti ki te Fono Fakamua e ve o na fakatulafonogia ai e te Tulafono Fakavae.

8. LIPOTI MO TE 2 O TAUHAGA O TE TNSP 2016-2020

I te kua maua e ia te Lipoti mo te 2 o Tauhaga o te TNSP 2016-2010, na **matau** e te Malo Fakaauau te tulaga kua iei ai na fakataunukuga ma na **malilie** ke tuku atu te lipoti ki te Fono Fakamua.

9. FAKAMATALAGA LATA MAI KI NA TAUTUAGA I TE MATAEKE O FEMALAGAAKIGA & TAUTUAGA LAGOLAGO

Na maua e te Malo Fakaauau ni fakamatalaga e tuha ai ko na galuega mahani a te mataeke ma vena foki o na maua ni lipoti e tuha ai ko te tulaga kua iei ai na polokalame atiake e gafa ma te mataeke:

- i) Femalagaakiga;
- ii) Tautuaga Lagolago;
- iii) Polokalame Vaka-ki-Gauta (Femalagaakiga); ma
- iv) Ofiha Fou o Tokelau i Apia (Tautuaga Lagolago).

I he matauga o na galuega fakaauau ma te tulaga kua iei ai na polokalame lalahi e 2, na **malilie** te Malo Fakaauau ke tuku atu na fakamatalaga ienei ki te Fono Fakamua mo hana matauga.

[Ko na fakamatalaga i na pepa e fa kua takua i luga na tuku atu ki te Fono Fakamua kui atu i te Lipoti o Galuega Fakaauau a te Malo.]

10. LIPOTI A TE KOMITI O TE TULAFONO FAKAVAE

I he matauga ko te galuega a te Komiti o te Tulafono Fakavae na fakatonu e te Fono Fakamua, na **matau** e te Malo Fakaauau te lipoti a te Komiti ka tuku atu ki te Fono Fakamua.

11. VAKA FOU MO FANAU AKOGA I TIALENIU

I he matauga e manakomia ke haogalemu te fekavefakiga o fanau ki te aoga, na **malilie** te Malo Fakaauau ke tuku atu te fakatu ke fakatalanoa i te Fono Fakamua.

12. TULAFONO MO TE PUIPUIGA O FEHOKOTAKIGA KUI I TE INITANETI

I he matauga ko te taimi ke maua ai e te Fono Fakamua he fakaataataga muamua o te tulafono na fakatonu e te Fono Fakamua, na **matau** e te Malo Fakaauau te ata kua iei ma ke tuku atu ki te Fono Fakamua mo te faiatauga muamua.

13. HIKITIAGA O NA TAUTUAGA: TALOHAGA TUPE

Na kikila te Malo Fakaauau ki he tuhi mai te Taupulega o Nukunonu e talohaga ai he \$60,000 mai te vaega tuge na fakavahega i te paketi mo te Hikitiaga o na Tautuaga. Ko te talohaga, ke iei he fehoahoaniga a te fakatupega ki te fauga o ni fale i na tapenapenaga lava mo te hikitia atu o na tautuaga mai Apia.

I he matauga ko te hikitia o na tautuaga ko he vaega o fakamuamuaga ma, e ui e iei he fakatupega na fakavahega kehe, e heki manino te fakatatiaga o ni taki mo te fakatagaga ma te fakaaogaga. I he tulaga venei, ko te Malo Fakaauau na:

- i) **matau** e ono iei foki ni manakoga venei mai Atafu ma Fakaofu; and
- ii) **malilie** ke tuku atu te talohaga ki te Fono Fakamua ma hakili ai ni taki mo te fakatagaga ma te fakaogaga o te vaega tuge tenei i te lumanaki.

14. HUI O TOKELAU KI TE FAKATALITALIGA O TE AHIAHIGA A TE KAIGA TUPU

Na kavea te avanoa e te Ulu o Tokelau ke fakailoa ki ona hoa te tulaga kua iei e tuha ai ko te maliliega ke talohaga ki te Toeaina kia Pio Tuia ke kavea ia ma hui o Tokelau:

Na talohaga mai te Toeaina kia Pio Tuia ke momoli atu he fakafetai lahi ki te Malo Fakaauau ki te manatua ake o ia. Na fakaonohai mai te toeaina o na ko te he katoatoa o te malohi i te taimi nei, e he mafai e ia ke tautali ki te valakaulia. E momoko e hau lava te malohi e mafai ai ke fakamalie loto hana tali ki ni etahi talohaga mo he fehoahoani i te lumanaki.

Na hakili fautuaga mai te Kulupu o Takitaki o te Kaiga Tokelau i Ueligitone pe iei nei he tino e kikila ki latou e fetaui ke kavea ma hui. Na fautua mai e te kauhaga tenei te tamana kia Dr Iuta Tinielu.

O na ko te pukupuku o te taimi – e manakomia ke kamata loa na fekuikuiakiga a te Ofiha o te Va ki Fafo a Niuhila, mtm – na kave ai ki te Ulufakatonu te igoa o Dr Iuta Tinielu ke kavea ma hui o Tokelau.

Na **matau** ma **lagolago** e te Malo Fakaauau ke kavea ia Dr Iuta Tinielu ma hui o Tokelau.

Pepa fakapipiki 1:TULAGA O TE POLOKALAME VAKA-KI-GAUTA

1. KAUTU

Ko te kautu o te pepa tenei ko he tukuatuga o he fakamainaga ki te mamalu o koulua i na galuega kua fakatino i lalo o te Polokalame Vaka ki Gauta.

2. TALAAGA O TE MATAKUPU

2.1 Ko na galuega ienei kua fakatino mo te fakaleleia o na uafu ma na ava-ofi i luga o na fenua e tolu ko he polokalame pitohili te lahi tenei kua taukave i luga o Tokelau ma e manakomia he tahi 15 mahina ke fakataunuku ma fakauma na galuega.

2.2 Ko te poloketi tenei e fakatupe e Niu Hila kui mai i he Maliliega na Hainia mo ni Fakatupega ke fakatino ai te galuega tenei. Kae ko te konekalate mo te fakatinoga o na galuega ei te va o te Malo o Tokelau ma te Kamupani mo na Galuega Lalahi e takua ko *Hall Contracting Pty Ltd*. Ko na hokotaga taua i na fefaiakiga ienei e aofia ai te Fakatonu o te Femalagaakiga ma Tautuaga Lagolago. Ko ia tenei ko te hokotaga taua i te itu o te Malo o Tokelau. Ko te Kamupani Faufautua ki na galuega lalahi venei ko te *Calibre Consulting Ltd* e gafa ma te tuku maiga o ni fehoahoaniga fakapitoa tau ki na matata kehekehe ma te taukilaga o te konekalate tenei. Eiei foki te inihinia poto fakapitoa ei luga o fenua i te taimi e fai ai na galuega ke fakamautinoa e lelei te tulaga o na galuega e fai.

2.3 Eiei te Komiti Fakafoe mo te Poloketi tenei. Ko te Komiti Fakafoe tenei e aofia ai na Pulenuku o na fenua e tolu, na Pule Fakahoa o na Motu, te Hui o te MFAT mo Tokelau, Te Fakatonu o Femalagakiga (Takitaki Fono) ma Calibre (Lagolago). Ka gafa te Komiti tenei ma te tautukuga o na galuega kua fakatino i lalo o te Konekalate i fonotaga taki mahina a ia.

3. POLOKALAME

3.1 Ko te polokalame lava na fakatatia i te tau kimataga o tenei galuega lahi, na tuku atu ai he manakoga ko na galuega i luga o Atafu ma Nukunonu ke fakauma ka ko heki pa atu ki te Kilihimahi o te 2018. I loto o tenei fakatatiaga, ko na galuega i Fakafoe ke kimataga ia Apelila o te 2019 kua teka atu ai na mahina matagi. Ko te fakamoemoega o na galuega i Fakafoe e uma ia Novema o te 2019. Kae kua lahi lele te huiga ma te ata tenei na fakamoemoe ai ke fakataunuku na galuega ienei ona ai ko na tama lave na tolo ai na galuega. Ke tau fakafetaui ki na fakatatiaga na omai ai, ka tonu te Hall ka fakaauau pea a latou galuega i vaitau tenei o matagi e veia ona takua. Ko na galuega e fakamoemoe ka toe fakaauau i 21 Ianuali 2019 kafai kua uma te malologa o te Kilihimahi.

3.2 Eiei he kikilaga ki na popolega e ono mafai ke tutupu e uiga ki te he hafia o te tau, ma e fia fakatalatalanoa e te Hall ma te Pulenuku ma te Taupulega o Nukunonu te matakupu tenei i na fakatalatalanoaga aloakia e loma nei. Ko te polokalame fou tenei kua fakatutu e heai he avanoa mo he galuega ke toe tolo ai ma e taua ke galulue fakatahi ia tagata uma mo te fakatelega o na galuega e manakomia ke fakatino, kae mautinoa ai e he toe lave na galuega, kae hologa manuia ki te fakaumaga.

3.3 Ko na fakatalatalanoaga aloakia na peleni ke fakataunuku i luga o Nukunonu na tolopo ona ai ko ni huiga ki te polokalame o na vaka. Etau lahi lele ko te fakatalatalanoaga tenei, ke fakataunuku i he taimi vave kafai kua mafai. Ko tenei la kua fuafuagia mo te aho 19-21 o Hetema 2018.

3.4 Ko tenei e fakaauau pea na galuega mo te tautukuga ma te taukilaga o na galuega fakatino ki te keliga ma te fakalahiga o na ava ma te uafu, ma e he kitea ni afainaga tumau ki na ika ma te lauakau. E taua lahi lele ke fakamautinoa ko na galuega mo te fakalahiga/fakaleleiga o na ava ke fakatino muamua ka ko heki taunuku mai te Vaka o te Vaifenua.

4. POPOLEGA KI NI AFAINAGA

4.1 Ko te tulaga o te lahi o te galuega tenei kua fakatino e manakomia ai pea te fakaititia pe ko te taukilaga o na afainaga ei la ono tutupu mai, ma kavea ma fakafitauli ki te taimi, te tulaga o na galuega, ma te fakahoahoaga o te heleni mo tenei poloketi lahi. Kua iei he fauhaga pe ko he Lehitala e patino ki te fakamaumauga o na Afainaga ienei, mae ka lahi to na fehoahoani ki te taukilaga ma te fakaititia ai o na vaega iena:

- Fakamautinoa e maua e te kaufaigaluega ni avanoa i luga o na vaka e malaga atu mo Tokelau i na aho kua fakatalohagagia
- Ko te fakaauaugia o na fehoahoaniga kui atu i te malohi o na Nuku, mo ni leipa mo na galuega fakatino
- Ko te tuku vave atu o ni fautuaga mo he mainaga ki na aho malolo pe ko ni aho fakamanatu e ono kavea ai ma lave ki te fakatelega o te galuega
- Ko te fakaauau pea o te lagolago malohi mai o na Nuku e tolu ki te tuku maiga o ni fautuaga ma ni fehoahoaniga ke fakaleleia ai te galuega. Ko na Nuku ko ni itutino taua i te Konekalate tenei.

E fakaauau pea na galuega a te Komiti Fakafoe mo te taukilaga o na afainaga e ono lave ai na galuega ma te Lehitala tenei mo Afainaga.

4.2 Kafai te galuega kua lave ma tolo ai na galuega, e lahi lele te heleni ma na tau fakaopoopo ka gafa ma te Malo o Tokelau ona ko na tukutukuga o te konekalate. Ko te tau fakaataata o te galuega kua lave ma he mafai ai ke fai ni galuega e tutuha ma te NZD \$13, 515/aho. Ko te afainaga lautele o na tau ienei e manakomia lahi lele ke fakamaina ai kilatou e fai tonu i na levolo kehekehe.

LEHONA KUA MAUA

5.1 E taua lahi lele ke vave fakatino na fakatalatalanoa kae ke fakamatala ma auiliili na vaega kehekehe o te galuega tenei ke nofo maina na fenua e tolu ki te taua oa latou hao i loto o te poloketi tenei. E vena foki ke nofo maina te kaufaigaluega a te Hall ki na nofonofoga i loto o na fenua ma na tulafono. Ko te fakaleleia atili o na hokotaga i te va o kilatou uma e aofia i te poloketi tenei e taua lahi lele i te tulaga ke fakagaholo manuia na galuega ke na he iei ni lave, pe toe tupu foki he fakafitauli ve ko te tulaga na pa ki ei te galuega i luga o Atafu

5.2 E iei te manakoga ke filifili he hui mai i luga o na Nuku kua fakamatuku atu ki ei te mafai, ke fai ai ni tonu e taoga ma lelei ki te fakatinoga o te poloketi tenei. Ko te hui foki tenei ka galue tafapili ma Hall fakatahi ai ma te Calibre. Ko te fakatapulaaga o na mafai ienei e taua ke fakamaoti mai i loto o na Peleni Taki mo na Pulepulega ke fakatino ai loa na galuega.

5.3 Kua iei te maliliega ka fakamatuku atu e na Nuku ni leipa ke fehoahoani ki na galuega a te Hall e fakatino, kae e he gafa ma te Hall te totogiga. Ona ai e fakaamanakia te tulaga ki te he tokalahi o te kaufaigaluega i luga o na motu, fakatahi ai

ma ietahi tiute e gafa ma kilitou ienei, e taua lahi lele ke fakaauau pea te leipa ke na he toe iei ni lave pe tolo foki na galuega, ona ko te taugata e aofia ai.

5.4 Ko te polihī e tatia ai nei ki te fakamautinoagia ai o na avanoa i luga o na vaka, i he faiga e tuku atu ai te avanoa ki te “tino e totogi muamua i te taimi lava tena” kua fai ma fakafitauli ki te Hall ma te kaufaigaluega a ia. Ka galue te Calibre ma te Fakatonu o Femalagaakiga ke hakili ni auala ke tuku atu ai he lagolago ki te Hall mo ni avanoa vaka a te kaufaigaluega a ia.

Ni ata o te galuega i te taimi nei





6. FAUTUAGA

E fautuagia te koulua mamalu ke:

- 6.1 **Matau** na vaega uma o te pepa tenei, ma te tulaga kua pa ki ei na galuega kua fakatino ke pa mai ki te taimi tenei i lalo o te Poloketi tenei.

Pepa Fakapipiki 2:OFIHA FOU O TOKELAU I APIA

1. KAUTU

Ko te kautu o te pepa tenei ko he tukuatuga o he fakamainaga ki te mamalu o te Fono i na galuega kua uma te fakatino i lalo o te poloketi a te Malo ki te galuega o te Ofiha o Tokelau i Apia.

2. TALAAGA O TE MATAKUPU

2.1 Ko te galuega tenei e fakatino i te taimi nei ko he faiga ke fakanofotonu te kaufaigaluega o Apia ki he ofiha fou i Matautu.

2.2 Ko te poloketi tenei e fakatupe e Tokelau ma ko te konekalate faufale ei te va o te kamupani Steel Young ma te Malo o Tokelau. Ko te Fakatonu o te Femalagaakiga ma Tautuaga Lagolago ko te hokotaga ia a te itu o te Malo o Tokelau, kae gafa ma Fata Levi te taukililaga ma te tukuatuga o te iloa ki na matata kehekehe i lalo o te konekalate. Ko te tamana foki tenei ko ia te inihinia ei te fakatinoga o te galuega ke fakamautinoa ko te tulaga o na galuega e katoatoa ma hologa lelei.

3. POLOKALAME

3.1 *Galuega ki te Fakavae:* Ko na vaega lalahi o paluga o te fakavae kua uma te fakatino.

3.2 *Paluga o te foloa:* Ko te 80% o te foloa kua uma te palu ma fakatino. Na ko he tama vaega o te lototonuga o te fale ko heki palua kua fakaatea ke faigofie na fekuikuiakiga a te hiligi e fakaaoga mo te fakatutuga o na ukamea o te tino o te fale. Kua fakatatia ke palu te vaega tenei kafai kua totoka na iviivi ukamea o te fale.

3.3 *Galuega tau Piliki:* Kua fakatoka atu ki luga o te fenua na piliki ke ati ai puipui o te fale. Kua peleni te Konekalate ke kamata ati na puipui ienei kafai kua totoka na iviivi ukamea ma te tino o te fale.

3.4 *Galuega tau Palama:* Kua totoka ma maea te tohoga o na laina mo te fakafanoga o te otaota mai na tukutua fakatahi ai ma na fale takele i te levolo pito ki lalo o te fale. Ko tenei kua kamata na galuega a te Konekalate ke taki na laina ki te tane tukutua ma kamata na galuega ki te fauga o te tane tukutua.

3.5 *Galuega tau Eletihe:* Ko na uaea eletihe uma ma ietahi totoga taua mo te galuega tenei kua uma te ota ifo, kae ei la ono tuai pa ifo ki te galuega.

3.6 *Galuega tau Ukamea ki te Tino o te Fale:* Ko na ukamea uma mo te fakatotoga o te fale tenei kua i luga o Hamoa. Ko te 90% o na iviivi kua uma te fau. Ko na pou foki o te fale kua i te koga e fai ai te galuega. Ko na fakatautau o na pito-iviivi ienei koi gaohi ke fetaui ma ni manakoga fakapitoa ki te ata o te fale. Kua fuafua e te Konekalate e tatau keina fakatu na iviivi ukamea ma te tino o te fale i he taimi o te mahina o Oketopa.

3.7 *Galuega ki te teuga o te kogafenua e hiko ai te Fale:* Ko tenei kua fakatotoka na toe galuega ki te paluga o te hima mo te fakatamilomiloga o te fenua ke fai ai na auala hivali ma na auala tavale. Ko tenei foki e taufakatotoka atu he koga lelei ke tuku ki ei na alavai ke fakatafe kehe mai ai te vai mai luga o te fenua.

4. POPOLEGA KI NA AFAINAGA E MAFAI KE TUTUPU

4.1 Kua matau e te Konekalate tenei e fakatino e kilatou te galuega te iei ai o he pilivai ko heki totogia mai he taimi kua teka ma e manakomia ke totogi muamua ka ko heki apalai atu kilatou ki te hokoga fou o te vai ki te fenua tenei. Ko te taimi nei, ko na galuega e fakatino i te fakaaoga ai o he tane vai.

Ko te tau ne i Hamoa kua matau kua fakalata atu ki te taimi e lahi ai te huavai pe ko na uaga i te tauhaga. E manakomia e te Konekalate ke fakamautinoa ko te fale kua tu ma fakamalu ka ko heki afaina lahi na galuega i uaga.

Ni ata o te galuega i te taimi nei



Image showing reinforcement placement for the outer office floorslab.



Image showing reinforcement placement for the inner office floor slab and intermediate strip footing for the internal block wall.



Image of the completed concrete pour for the warehouse slab.



Image showing completed concrete works for the floor slabs. A small portion is left in the middle to allow for the crane to maneuver in place when erecting the structural steel.

	
Image showing structural steel fabrication for the rafters. All plates are tackwelded in place and final structural weld to be carried out.	Image showing completed rafter being prepared for paint.
	
Image showing completed rafter to be transported to site.	Image of overhang rafters in the fabrication shop awaiting final fabrication.

5. FAUTUAGA

E fautuagia te koulua mamalu ke:

5.1 **Matau** na vaega uma o te pepa tenei, ma te tulaga kua pa ki ei na galuega kua fakatino ke pa mai ki te taimi tenei i lalo o te Poloketi tenei.

Pepa Fakapipiki 3: TULAGA KUA IEI AI NA TAUTUAGA

FEMALAGAAKIGA

1. KAUTU

Ko te kautu o te pepa tenei ko he tukuatuga o he fakamainaga ki te mamalu o te Fono i na galuega kehekehe kua fakataunuku i lalo o te fakamalumaluga o Femalagaakiga e veia ona tofia ai i te Mataeke.

2. FEMALAGAAKIGA

2.1 Ko te fakahekega o na Pulepulega o te Kauvaka ma na Matakupu Taupihinihi ki lalo o Tokelau na fakataunuku i te aho 31 o Aukuho 2018. Ko na galuega ienei kua gafa nei ma te TRANSTOK oi na kamata aloakia i te aho 1 o Hetema 2018. Kua totoka ma nofotonu na konekalate o te kauvaka, ma e ologatahi ma na manakoga tau ki te tulafono e pulea ai na femalagaakiga i luga o na vaka. Kua iei foki ni fakaataataga o na tulaga o na totogi o kilatou ienei. Kae ka fakaauau pea te fehoahoaniga a te TML ki na matakupu kehekehe ke pa ki he taimi kua taukave tautahi ai e te TRANSTOK na vaega ienei. Ko tenei ko fakagaholo na galuega e manakomia ke fakatino ke fakamautinoagia ko te fakahekega e hao ma manuia.

2.2 Na fakataunuku he ahiahiga mo na matakupu tau ki te fakagaluegia o te kauvaka i luga o te Kalopaga. Ko te ahiahiga tenei na fakataunuku ia lulai o te 2018 e te tamana Kapiteni Hugh Munro (Ko he Tino Hukehuke i lalo o na tukutukuga o te lalolagi ki te fakagaluegia o na heila i luga o vaka). Na fehoahoani atu foki ki ei te tamana kia Stephen Cribb ma te Mataeke. Ko te lahiga o na fakamaumauga i luga o vaka nae katoatoa. Ko na vaega na matau e heki katoatoa ai te galuega tenei, kua uma te fakatotoka ma fakamautu.

2.3 Na fakataunuku foki he ahiahiga mo te Mataliki ma te Ofiha o te TRANSTOK e te tamana foki lava tenei ko Hugh Munro (Ko he Tino Hukehuke i lalo o na tukutukuga o te lalolagi ki te fakamautinoagia ai te haogalemu o na hihitemi ma na fakatinoga) Ko te ahiahiga foki lava tenei na fakataunuku ia Aokuho 2018. Na fehoahoani ifo ki ei te tamana kia Mike Pearson (faufautua mo na matakupu tau femalagaakiga i luga o vaka), na kauvaka o te Mataliki fakatahi ai ma na kautautua o te Mataeke. Na fakamatuku mai he fakatagaga fakavaitaimi ma he pepa ke fakamaonia ai ko na fefaiakiga i luga o vaka ma loto o te ofiha e ologatahi ma na tukutukuga mo te haogalemu. Na fakamatuku atu e te tamana tenei he laihene fakapitoa e fakamaonia ai ko te Mataliki kua fakamaliegia e ia na vaega ienei ki te haogalemu i luga o te moana. Ko he tala fiafia tenei, aua kua auhia e Tokelau he tulaga e kehe foki i te kavea ai o ia ma Pulega o te kaufaigaluega i luga o vaka fakatahi ai ma na matakupu taupihinihi o na vaka e lua. Ko te ahiahiga katoa e loma nei ia Tehema kia Fepuali o te tauhaga fou. Ko na vaega nae he matua katoatoa ai to tatou pito ko ienei kua galuega ki ei te Mataeke ke fakatotoka ma fakamautu.

2.4 Ko te na matakupu taupihini e veia ona taukua i luga e aofia ai ni fakatalatalanoaga kua fakatatia ke totogi fakavaitaimi na vaka e lua o Tokelau ke fakaaoa mo he taimi pukupuku eo tatou tuakoi i te Pahefika. Ko na polokalame vaka mo na malaga ienei e totogi fakavaitaimi, ka fatu mai lava ki luga o na manakoga mo femalagaakiga o Tokelau. Kua fakagaholo foki ni fefaiakiga mo te fakafetauakiga o ni tau e talafeagai ke tauva ai ia Tokelau i te maketi tenei, ma e fakamoemoe ko te malaga muamua o na avanoa ienei e peleni mo te 2019.

2.5 Ko tenei e hologa manua lava na galuega o te Kamupani Fau Uafu tenei ko te Hall i poloketi i luga o Atafu. E ui lava kua 3 ia vaiaho e tuai malie ai ona ko ietahi mafuaaga, iko tenei kua galulue malohi te Konekalate tenei ma te Taupulega o Atafu, fakatahi ai ma te Mataeke ke fakaitititia na lave ienei. Ko tenei koi fakaauau pea na galuega mo te onoonoga o na galuega ki te ava ma te keliga o na uafu ma ko he tala fiafia e he iei ni afainaga tumau ki te lauakau ma na ika. Ko te fakatauaga lahi , ko te fakamautinoa ko na galuega ienei kua fakatino mo te fakaleleia o te ava ma te uafu e maea ka ko heki pa ifo te Vaka o te Vaifenua. I te taimi nei, ko na galuega i luga o Nukunonu e fakamoemoe ke kamata i fakaumaga o te 2018. Ko te onoonoga o te tulaga o na galuega e fakafoe e te Komiti mo na Poloketi.

2.6 Ko te Vaka o te Vaifenua ei Christchurch i te taimi nei e talia ai na galuega tau fakauma. E taua lahi lele, ko na galuega i na uafu ma na ava e fakatotoka muamua ka ko heki tukuifo te vaka tenei a koulua ke fakamautinoa ai e haogalemu te vaka ma te pahehe. I he malaga talu ai nei, na maua ai he avanoa mo Tokelau ke ahiahi te vaka ma kikila ki te tulaga kua pa ki ei te galuega. Ko tenei e fakaauau pea ni fakatalatalanoaga ki na manakoga ke fakatino ni koleniga fakapitoa mo kilatou ka faoa te vaka ma fakatino na galuega ka ko heki tukuifo te vaka ia Oketopa. Ko na fakatalatalanoaga ma te Taupulega o Nukunonu koi fakaauau lava.

2.7 I lalo o te Poloketi mo te Haogalemu i te Tai fakatahi ai ma na peleni a te Mataeke ke fatufatu ma atiake te iloa a te kaufaigaluega, kua iei ai he avanoa mo he akoakoga/koleniga ke kaufakatahi atu ki ei te Ofiha o te Tulafono o te Mataeke ke fakagalue i loto o te NZ Maritime mo ni koleniga ke fakamahani atili ki na matakupu tau femalagaakiga i luga o vaka. Ko te akoakoga tenei koi fakatalatalanoa. I te fakaikuga o Novema, ka kaufakatahi atu te Pule Fakahoa o na Matakupu Vaka, Na Galuega Fakatino i Gauta ma te Ofiha o te Tulafono ki he akoakoga ka fakatino i Ueligitone. Ko te agaga o tenei koleniga ko te fakamaunu o te iloa ma te mafai o te kaufaigaluega ke fakataunuku na manakoga o Tokelau ki te pulepulega o na vaka a ia.

2.8 E iei te fuafuaaga ma te Mataeke ko te vaka ke toho ki gauta i te 2020. Ko tenei e fakagaholo na fakatalatalanoaga ma te TML ki ni tau fakatutu ke mautinoa ai e maua e Tokelau he tau e pitohili ona lelei. Ko te galuega tenei ka fakatino, ko he faiga muamua tenei ke toho ake ki gauta te vaka taluga te kamata o na kaukaunaga o te Mataliki ki Tokelau. Ko te mafuaaga tonu lava ia e taua ai ke fakataunuku te vaega tenei. Ko te taimi kua fakaataata ke fakatino ai te galuega tenei ko he 3-4 vaiaho oi ka taumafai te Mataeke ke tuku atu he polokalame vaka e talafeagai mo na manakoga o Tokelau. E ono iei he vaka totogi vaitaimi kafai kua iei he manakoga i te taimi tenei e fakalelei ai te vaka.

2.9 I te fonotaga mamalu a ia, na malilie ai te Fono Fakamua ke hiki te tau o na pahehe o na vaka mo tagata-nuku Tokelau. (Tino Matutua: NZ70 malaga hako & NZ140 fano toe foki mai; Tamaiti: NZ35 malaga hako & NZ70 fano toe foki mai). Ko te lloilogia o na Pahehe o kilatou e he ko ni Tokelau ei talia nei i he talohaga kua tuku atu ki te Fono Fakamua ka ko heki uma te 2019.

2.10 Koi fakaauau pea ni fakatalatalanoaga ma te MFAT ke fakatino ma fakagaholo he tautuaga tau vakalele mo Tokelau. Ko he avanoa mo na femalagaakiga tenei ki te agaigai ki mua ma he kikilaga mamao. Ko na galuega tau kamata, e fakamoemoe ke kimata kafai kua totoka uma kilatou e aofia i tenei atiakega ma malilie ke fakatino loa.

TAUTUAGA LAGOLAGO

1. KAUTU

Ko te kautu o te pepa tenei ko he tukuatuga o he fakamainaga ki te mamalu o te Fono i na galuega kehekehe kua fakataunuku i lalo o te fakamalumaluga o na Tautuaga Lagolago e veia ona tofia ai i te Mataeke.

2. TAUTUAGA LAGOLAGO

2.1 Ko tenei koi hologa lelei lava na galuega ki te fauhia ai o te ofiha fou o te TALO ma e fakamoemoe lava ke fakauma i lulai o te 2019. Ko na tama lave nae fakafeagai ai ma te galuega ko ni taofi ea ni kaiga e tuakoi ifo ki te fenua tenei, oi na manakomia ke fakatino ni fakatalatalanoaga ma te Mataeke o Koa Fakanatula ma te Hikohikomaga o Hamoa, ke fakatotoka te matakupu. Ko te Mataeke na ia fakafoea he taligamalo mo te ahiahiga a te tamana Minihita, Winston Peters ma tana kauhaga mo he ahiahiga aloakia ki te galuega tenei. E aofia i tenei malaga, he ahiahiga ki te fenua i Savalalo fakatahi ai ma na vaka e lua a koulua. Na kitea te gali o te aho fakamoemoega tenei i te kaufakatahi ai o te Ulu o Tokelau ma te Ulu Fakatonu o Tokelau.

2.2 I te maea ai o te galuega i te Ofiha fou o te TALO, ka iei ni fakamoemoega pe he avanoa foki mo te Malo o Tokelau pe iei ha na onoonoga ki te tulaga o te fenua i Savalalo, i te matau ai ki te fakatupulahia o na lologa, pei la iei he kikilaga pe lihi atu te fenua tenei, fakatau pe tatia ai veia.

2.3 I tana fonotaga mamalu ia lulai o te 2018, na malilie ai te Fono Fakamua ke toe iloilo na tau o na fale i te kakai o Lelata. Ko te maliliega tenei, na mautu ai te tonu ka tuku ki te NZ50/po. Atonu i na fefaiakiga fou ienei, ka ono iei ni lukitau ki te Mataeke ki te tauhiga ma te fakaleleia atili o na tulaga o te kaukaunaga i te kikila atu ki na tau e feagai ai te Mataeke mo te fakatinoga o na vaega ienei.

2.4 Ko te fakatauaga lahi kua fakafeagai nei ma te vaega e gafa ki te fefaiakiga ma te tukumaiga o na koloa, ko te fakamalohia ai o na fauhaga fakalotoifale a ia. Ko na Tuhi Taki mo te Pulepulega o na Aheta ma na Galuega Fakatino mo te Tukumaiga o na Koloa kua fakamoemoe ke toe iloilo. Ko na fakanauga a te vaega tenei ko te fakamalohia o na vaega taua e uiga ki te kaumaiga o na koloa mai fafo, te fatuga o ni hokotaga lelei ma na hapalai fakatahi ai ma te fakaauaugia o he pulepulega ki na fefaiakiga ienei ma he agaga ke tuku atu ki na fenua o Tokelau he filifiliga ki na koloa e taoga ma hilihili te lelei e ologatahi ma na manakoga.

2.5 I te kitea ai o te fakatupulahia o na galuega fakatino i na taimi o na vaka, kua lahi ai he afainaga ki na tulaga o na uto e kavatu ki Tokelau fakatahi ai ma na tau mo te momoliga o na koloa. E iei na matauga ki te agaigai ki mua ei la kavea pe ma ni lukitau ki te fakatinoga o na galuega ienei. Kua kitea kua fakatupulahia te mafai ke kavatu ai ni koloa ki Tokelau kui atu i te Kalopaga, kua fakalahia foki na manakoga o na fenua, kae kua taikole foki te avanoa ke fakamalu ifo ki ei na koloa ienei. Ko na matauga uma ienei ei la kavea ma lukitau tumau, ma e manakomia ke hakili he fofo fakavave ke fakamautinoa ko te hihitemi mo femalagaakiga e fakaauau pea. Ko tenei kua galue te Mataeke ke iloilo na tau ke momoli atu ai na koloa ki Tokelau ma tuku aloakia atu ki te Malo Fakaauau ma te Fono Fakamua ka ko heki uma te 2019.

2.6 Ko tenei kua tuku he fakatauaga mo he iloiloga ke fakatino ke fakamalohia na fauhaga fakalotoifale o Femalagaakiga. Ko te manakoga taua ko he faiga ke fakaaloakia ai he Taki mo te Fefaiakiga o na Galuega, maihe ki na tulaga tau Pemita. I

te fakatupulahia o tagata e malaga atu ma fafo mai o Tokelau i te 6 mahina tenei kua teka kua mafua ai teiei o ni malaga fakaopoopo o na vaka a koulua. Kua fakamoemoegia ke fakataunuku ni akoakoaga pe ko ni koleniga foki i loto o te tauhaga tupe ke fehoahoani ki o tatou Ofiha o Femalagaakiga i luga o na motu e tolu. Ko te lahiga o te fakamamafaga o na akoakoga ienei ko te fakemainaga o na faifaiga pe ko na fauhaga kua fakatatia ai nei mo na matakupu tau ki te femalagaakiga fakatahi ai ma te fakaleleia atili o na tautuaga lautele ki o tatou tagata. I ni fakatalatalanoaga ma na Mataeke o Femalagaakiga ma na Matakupu Fakalotoifale o Niu Hila, na fakamatea ai ni vaega e ono mafai ai ia Niu Hila ke fehoahoani ki Tokelau, ki te fakaleleia o na vaega ienei o na tautuaga ki tagata lautele. Ko tenei koi fakatalanoa te Mataeke ma Niu Hila ke fakamautu ai na aho mo he malaga tamilo ke ahiahi atu ki Tokelau fakatahi ai ma ni avanoa mo ni koleniga o te kaufaigaluega a te Mataeke.

2.7 Na talimalo ia Fakaofo i na tafaoga a te Tutolu mai i te aho 24 ki te 28 o Hetema. E heki mafai ia Atafu ke kaufakatahi atu ki te fakamoemoega tenei. I te fakataunuku o na tafaoaga, na kitea ai te tulaga maualuga o te taleni ma te malohi o na fanau a koulua i te 5 o aho na fakagaholo ai na tafaoaga. I na tafaoga e fa na malilie ki ei te Fono Fakamua ke fakatino, e lua oioiti ia tafaoga na mafai ke fakatino, vagana ai te Kiliti ma te Lakapi Liki e heki mafai ke fakauma. E ieit te talitonuga hove ko ni mafuaaga e uiga ki te haogalemu o kilatou ienei nae tafafao. Mo he aotelega, na manumalo ia Fakaofo i lahiga o na talita. Na gafa ma te Mataeke te hakiliga o ni fehoahoaniga mo te fakatupega o na hapalai mai i na hapalai mahani a Tokelau na fehaohoani atu ai ki te fakataunukuga o te fakamoemoega tenei.

1. HIKITIAGA O TE KAUPULEGA: TALOHAGA MO HE FAKATUPEGA

I he kikilaga ki he fakatu mai te Taupulega o Atafu mo he \$80,000 mai te fakataupega na fakavahega mo te Hikitiaga ke fehoahoani ki ana tapenapenaga, na **matau** e te Malo Fakaauau te talohaga ma na malilie ko te pepa kua i loto nei o na pepa fono a te Fono Fakamua puna mai i he talohaga mai Nukunonu e talafeagai ke fakatalanoa ai te matakupu mo he auala ki mua mo te pulepulega o te fakatupega tenei.

2. FAKAHOLOGA O NA MATAKUPU A TE FONO FAKAMUA

I he talanoaga ma te Takitakifono o te Fono Fakamua, na **malilie** te Malo Fakaauau ki te Fakahologa o na Matakupu a te Fono Fakamua e ve o na fakapipiki atu i tua.

3. AHIAHIGA A TE KAIGA TUPU: LIPOTI MAI A DR IUTA TINIELU

Na **matau** e te Malo Fakaauau he tuhi fakafetai ma he lipoti mai a Dr Iuta Tinieu i te kua kavea o ia ma hui ke feiloaki ma te ahiahiga a te kaiga tupu.

4. AVANOA MO NI KOLENIGA MO NI HIKILI GALUE

Na maua e te Malo Fakaauau ni pepa fakamatalaga mai te Ulufakatonu e fakailoa ai ni avanoa mo ni koleniga ke maua ai ni hikili galue. Ko te Malo Fakaauau na:

- i) **fakaleo** te agaga fakafetai ki te Ulufakatonu ma fakailoa te taua o na avanoa venei ki te atiakega o te mafai ma ke atafaia ai foki na galuega atiake; ma
- ii) **malilie** ke tuku atu na fakamatalaga ienei ki na Taupulega i he matauga foki e ono filifili mai lava e te Taupulega pe tokafia ana hui.

5. IETAHI MATAKUPU

5.1 FAKATUPEGA MO NA TAUTUAGA I LOMALOMA

Na fakaaoga e te Pulenuku o Atafu ke fakafehili ki te Minihita o te Ola Malolo pe ko hea he tulaga kua pa kiei te fakatupega mo na tautuaga i Lomaloma i he matauga o te ikugafono a te Fono Fakamua e tuha ai ko te toe fakafoki te taukilaga o te falemai ki te Taupulega.

I he tautali a te Minihita o te Ola Malolo, ke fakatalanoa muamua ki te Fakatonu o te Tupe pe ko hea te tulaga kua pa kiei te vaega tenei ma kua logo atu ai ki te Pulenuku ma tana Taupulega.

5 – 9 Novema 2018

FAKAHOLOGA O NA MATAKUPU

1. Fakatupega o te Hikimi Tauale a Tokelau (TPRS) – **Malo Fakaauau**
2. Lipoti Tauhaga o te Teuga tuge Fakavaomalo a Tokelau 30 Iuni 2018
Malo Fakaauau
3. Fakaataataga o te Tala o te Tupe mo te Tauhaga Tupe ki te aho 30 Iuni 2018 -
Malo Fakaauau
4. Fakaataataga o te tala o te Tupe mo te 3 Mahina ki te aho 30 Hetema 2018 - **Malo Fakaauau**
5. Lipoti a te ERO – **Mataeke o Akoga**
6. Fono lahi mo na akoakoga – **Mataeke o Akoga**
7. E o ai te tiute ko te tau logologo te Ola Laulelei ma te Ola Malolo o tagata lautele o Tokelau – **Taupulega Atafu**
8. Lipoti o na galuega Fakaauau – **Malo Fakaauau**
9. Lipoti mo te 2017-18 (lipoti ote tauhaga to na lua (2) mo te Peleni Takiala a Tokelau 2016 - 2020) – **Malo Fakaauau**
10. Huiga ma te Fakalahiga o te Atiakega Malohiaga Fakatenatula - **Malo Fakaauau**
11. Lipoti o na hukega koloa o na falekoloa ma na faitauga tuge a na ofiha tuge a te nuku i te fakaumaga o na tauhaga tuge takitahi **Taupulega Nukunonu**
12. Lipoti a te Komiti Tulafono (huiga fakatu Tulafono) - **Malo Fakaauau**
13. He Vaka fou mo te Akoga a Tialeniu – **Mataeke o Akoakoga**
14. Lipoti tuku fakatahi a Sir Ronald Young – **Malo Fakaauau**
15. Pepa fai fakatahi a te Teletok ma te Ofiha o te Malo Fakaauau (Faufautua Tulafono)- **Teletok**
16. Hihitemi o na faletupe I Tokelau - **Taupulega Atafu**
17. Hikiaga o na Tautuaga I Apia ki Tokelau: Talohaga mo he vaega tuge
Malo Fakaauau
18. Lipoti a te Ulu Fakatonu o Tokelau - **Ulufakatonu**

C. 24 Tehema 2018

1. TUHI TALOHAGA KE NOFO TUMAU

Na kikila te Malo Fakaauau ki he talohaga ke nofo tumau i Tokelau i lalo o na Tulafono mo Femalagaakiga 1991. I he matauga kua fakamaliegia na vaega talafeagai o na Tulafono mo Femalagaakiga, na **talia** e te Malo Fakaauau te nofo tumau i Tokelau o ki latou ienei:

- a) TULIAU, Sa
- e) JOHNNY, Amanda
- i) JOHNNY, Aniamalae
- o) JOHNNY, Raylani; and
- u) JOHNNY, Unmil.

2. TAKITAKIFONO MO TE TEUGA TUPE FAKAVAOMALO A TOKELAU

I he matauga ko te tofiaga o te takitakifono eiei nei, Mr Trevor Janes e fakamuta i te aho 31 Tehema 2018, ko te Malo Fakaauau na:

- i) **matau** ko te toe fakaopoopo o he taimi ki te tofiaga o Mr Janes e mafai ai ke fakatalanoa totoka he tofiaga o he Takitakifono fou mo he mataloa e talafeagai ma na tukutukuga o te Teuga Tupe; ma
- ii) **malilie** ke talohaga kia Mr Janes ke fakaopoopo hetahi 3 – 4 mahina kafai e malilie foki kiei te MFAT.

3. AHO O TE FONO FAKAMUA KA HOHOKO

I he kikilaga ki na aho mo te Fono Fakamua ka hohoko, ko te Malo Fakaauau na **malilie**:

- i) ke aofia te auataga o te vaka fou mo te va-o-fenua i te polokalame mo te Fono Fakamua ka hohoko; ma
- ii) ko na aho o te Fono Fakamua ka hohoko ko te aho 4 – 8 o Mati 2019.

D. 23 Ianuali 2019

1. TALOHAGA LAIHENE GALUE I TE FAKAMAHINO MAUALUGA O TOKELAU

Ko te Malo Fakaauau na:

- 1) **matau** te talohaga mai te Ofiha o te Va ki Fafo a Niu Hila ma na pepa fakaopoopo e lagolago ai te talohaga mo Geetha Verhaeghe ke galue fakaloia i te Fale Fakamahino Maualuga o Tokelau ;
- 2) **malilie** ke fakataga te laihene o Geetha Verhaeghe i lalo o na mafai o te Malo Fakaauau kua fakatatia e te Tulafono r95(2) o te Tulafono o Holitulafono, na Gaoioiga e tatau ke fai, ma na Fakamaoniaga 2003;
- 3) **malilie** ko te fakatagaga e patino oioti ki te fakamahinoga i te va o Jovilisi Suveinakama & Hetu Puka e fakahaga ki te Malo Fakaauau, te Ulu o Tokelau, ma te Ulu Fakatonu

2. FAKAMANAGA A TE MALO FAKAAUAU

Ko te Malo Fakaauau na:

- 1) **malilie** ke malaga muamua te Ulu - Afega Gaualofa ma Faipule Siopili Perez, i te vaka o te aho 19 Ianuali 2019 ke kamata a laua tapenapenaga ma te loia;
- 2) **fakaaloakia** te lagolago a te Malo Fakaauau e tutu fakatahi ma tana fakamanaga e tapuakia ai ke toka ia Tokelau.

3. FAKAILOA ALOKIA KI NA TAUPULEGA - FAKAMANAGA

Ko te Malo Fakaauau na:

- 1) **malilie** keiei he fakailoa aloakia o te tonu a te Malo Fakaauau e tuha ma ana tapenaga ki te Fakamahinoga;
- 2) **malilie** ke fakanoi na Faipule ki na Taupulega ke malaga i na vaka – Kalopaga, 19 Ianuali mo te Ulu – Faipule Afega Gaualofa, Faipule Siopili Perez, ma te Mataliki o te 29 Ianuali 2019 mo Faipule Kelihiano Kalolo;
- 3) **malilie** ke opotia ki te fakailoa aloakia ki na Taupulega he latou fakamanaga ke tutu fakatahi na nuku ki te tapuakia o te fakamahinoga ke toka ia Tokelau.

4. HINI KAUTU MO NA AHO 180 MUAMUA O TE NOFOAKIGA A TE ULU 2019

Ko te Malo Fakaauau na:

- 1) **matau** te pepa;

- 2) **matau** te talohaga a te Ulu ka tu mai o te 2019 ke fai hao uma ki ei na hui o te Malo Fakaauau ma latou matata uma ki a latou fakamuamua e atafaia ke fakaopoopo kae ko heki fakaaloakia e te Malo Fakaauau;

5. FAKATAHIGA ATUNUKU FAFINE TOKELAU 2019

Ko te Malo Fakaauau na:

- 1) **matau** ma malilie ke iei he fakatahiga atunuku ma fafine o Tokelau 2019;
- 2) **malilie** ke tuku aloakia te matakupu ki na Fatupaepae ma na Taupulega mo te latou maina kae maihe na tapenapenaga pe atafaia;
- 3) **malilie** ke fautua ke kikila totoka ki te numela (tautoka tolu hefulu – 30) ma onoono fakalelei fua ki na lihohi e avanoa – te aofaki o na pahehe fakataga a te Mataliki, te fakatupega a te Ulu Fakatonu, te vaaho e fakatino ai fuafua fakatahi ma te fakatahiga atunuku mo akoakoaga;
- 4) **malilie** ke galulue fakatahi na Ofiha o te Malo Fakaauau, na Ofiha o na Taupulega, te Ofiha o te Ulu Fakatonu ma ietahi Mataeke e tau ni a latou fehoahoaniga ke mautinoa e holomanua te fakamoemoe.

6. FAKATUPEGA MO NA TAFAOGA A TE PAHEFIKA

Ko te Malo Fakaauau na:

- 1) **matau** te muliakina kua iei na tapenapenaga a Tokelau mo na tafaoga a te Pahefika;
- 2) **matau** e iei na talohaga mai na fanau a Tokelau i fafo o Tokelau ko heki iei ni tali aloakia e tuku atu ki ei;
- 3) **malilie** ke tapena he pepa talohaga tupe ki te lloiloga o te Tupe.
- 4) **fautua** te TSF ke fuafua fakatahi te auai o Tokelau ma na talohaga kua maua mai i fafo ke mautinoa ko na tafaoga e kave e fua ki na tafaoga e atafaia e fanau a Tokelau kae he taku valea ai te igoa o Tokelau.

II. NI HUIGA I NI TOFI GALUE TAU A I TE KAUFAGALUEGA I TE ATUNUKU

Fakamatalaga tau ki Tagata Faigaluega – Faiga Filifiliga

Ite aho 30 Novema 2018 na tofia ai e te Komehina ote Kaufaigaluega Tautua a Tokelau ia Ms. Rosita Matalavea ki te tulagatofi ote Fakatonu ote Tupe fatu ki te fautuaga ate Komiti Faiga Filifiliga. Ko Rosita ite taimi o tona tofiaga ko he Pule Hili Lagolago ite Matagaluega ote Tupe ate Malo o Samoa. Ko tona tofiaga na pahia aloakia e te Malo Fakaauau ite Aho Gafua, 24 Tehema 2018. E fakamoemoe e fatoa kamata te Fakatonu fou i tona tulaga ina toe aho ote mahina Fepuali 2019.

Ietahi Faiga Filifiliga

Ko te Ofiha ote Komehina ote Kaufaigaluega Tautua a Tokelau ite taimi nei e galue nei ke fakamaea na faiga filifiliga mo na tulagatofi hinia ienei.

1. Fakatonu o Akoga – Kua maea na faiga fakatalatalanoaga. E tuku atu te lipoti ma na fautuaga a te Komiti ki te Komehina ote Kaufaigaluega Tautua mo hana kikilaga ite vaiaho nei. Ko te fakamoemoe ke aloakia tenei tofiaga e te Malo Fakaauau ki mua ote Fono Fakamua ia Mati.
2. Pule Fakahoa, Malohiaga – Ko na tuhi apalai e Tapunia ite aho Falaile, 8 Fepuali 2019.

III. LIPOTI MAI NI FONOTAGA I FAFO

A. HUIGA KI TE TAU

Kautu

1. Ke lipoti na fono fakava-o-malo kite huiga ote tau ia Tehema 2018:

- COP24 na fai iKatowice, Polani mai te te aho 2-14 Tehema.
- Talanoaga ana takitaki huiga ote tau ote Pahefika na fakafoe e te Wilton Park ma te Ofiha ki Fafo o Niuhila (MFAT) i Egelani mai te aho 16-18 Tehema.

Kotokotoga

2. Ko te Huiga ote Tau ko he matakupu kua fakamuamua ite lalolagi ma fakamatakutaku kina malo. Kua takua e te Palemia o Niuhila, Jacinda Arden: “*my generation nuclear free moment*”. Kua tokalahi ia malo e tutu fakatahi ma lagolago te matakupu tenei. I lalo ote ‘Tini mo Atiakega ke Olatia’ (sustainable development goals) ei iei ai na peleni ana fenua, kae kote maliliega i Paris 2015, (Paris Agreement) ko na malo e finau ma feeke mo ni muna malolohi ma fetaui ki te huiga ote tau (ke vave, ma malolohi na muna, ma na fehoahoaniga e manakomia ke fakaauau ai pea te tumau ote maulalo ote kaponi (carbon) kite lumanaki), ma ni fofo ki na afainaga, vena ma ni fehoahoaniga talafegai mo na malo tau ati ake. Kae, kote fakataunukuga ona maliliega ienei, e taua ke kaufakatahi na malo. Ko te lukitau, pe hea he faiga ke malilie ma galulue fakatahi ai na malo, te lauaitele o tagata/maopoopoga, pihinihi, na fakalapotopotoga, ma na fenua ko heki tu tokatahi ke fakamautinoa e tonu ma moni na fakatinoga kite tulaga e tatau ona iei. Ko te Fono 24 (COP24) ma ietahi fonotaga fakavaomalo veia kote fono ana takitaki ote Pahefina na fai ite Wilton Park, e hokotaki uma kina taumafaiga ke feeke ma fakamalohi na malo uma ke fakataunuku a latou muna ke tipi ki lalo te kaponi, ma toe heti ni muna foou e hili atu ma toe iloilo na taimi ke fakataunuku ai. Ko Tokelau ei loto ona taumafaiga ienei fakavaomalo.

3. Ko te leo o Tokelau ina fono ma na fakatauakiga fakavaomalo agai kite huiga ote tau e taua lahi mo tona malo tau atiake, olatia ina itu uma (tamaokaiga, tagata) ma ana atiakega. Kua iei he huiga, kua laka ki mua ina tauhaga e lua talu ai. Kua lagolago ma fakataulia te fakatahi atu o Tokelau e Niuhila ma vaegao o tana kaufono kina fono ki te COP. Kehe mai ina fono fakavaomalo ite itulaga ote Pahefika, kua kikila ia Niuhila kini tahi avanoa ke i loto ai te leo o Tokelau ina talanoaga fakatatau kite huiga ote tau, veia kote fono maualuga ana takitaki Pahefika kite huiga ote tau na uhugia i Egelani. Na kau fakatahi te Wilton Park, NZ MFAT, Pacific Islands Forum (PIFs) ma te malo ote United Kingdom kite fakatutupuga ma te fakafoega.

4. E fakamamafa te fakemainaga ate pepa tenei kina hini ma na ikuga mai na fono e lua ia Tehema (i) Fono 24 (COP24) na uhu i Polani ma (ii) Te fono ana takitaki Pahefika na uhugia i Enelani. Ko na lipoti katoa ona fono ienei e lua e mafai ke tuku atu kafai e talohaga mai ki ei.

FONO 24 (COP 24), KATOWICE, POLANI 2-14 TEHEMA 2018

5. Na takitaki te kaufono a Tokelau e Minihita Kelihiano Kalolo. Ko Tokelau ko he vaega ote kaufono a Niuhila, na takitaki e te Minihita ote Huiga ote Tau, te afioga kia James Shaw.

6. Kote hini kautu ate Fono24, ke maua he maliliega kui ihe ‘rule book’ pe vehea ona fakatino te maliliega i Paris (Paris Agreement) ini muna e tonu te fakataunukuga ma te lipotiga. He maga ote hini tenei, ke fakamalohia na malo ke fatu ni muna maualuluga ma malolohi e fetaui kite tulaga ote huiga ote tau.

Kona hini a Tokelau mote Fono 24:

7. (i) Ke hikihiki ki luga na taumafaiga e fakailoa ai na matakupu a Tokelau ina talanoaga fakavaomalo;
- (ii) Ke galulue vavalalata ma Niuhila ke fakamautinoa ko na lukitau patino ki Tokelau e afea ite katoa ote leo o Niuhila;
- (iii) Ke galulue vavalalata ma na fakapotopotoga fakaitulaga ote Pahefika ma hokotaki kite Pahefika ke afea na lukitau patino ki Tokelau ite katoa o latou leo ina matakupu fakaitulagi;
- (iv) Ke hakili ni auala kui ini faigapaaga fakavaomalo ma fakalapotopotoga mo ni fehoahoaniga tau heleni pe ni iloa fakapitoa kite fakatinoga ote peleni kikila mamao a Tokelau (LivC) ma ietahi peleni ati ake;
- (v) Ke matau ma hakili ke fatu he kulupu lagolago (Tokelau LivC Club – TLC) (mai ini malo, fakalapotopotoga ma na fenua e he ni hui aloakia kite Fono (COP). Ko na hui mo te ‘Tokelau LivC Club’ pe kote ‘kulupu’ ni tino e fia fehoahoani ma hapoti ia Tokelau ina vaega tau kite huiga ote tau ma ietahi vaega hokotaki. Kote taumafaiga tenei na kamata mai ite Fono 22.
- (vi) Ke tufa atu ma fakailoa te polokalame a Tokelau (Tokelau GHG Project) te auala na fakatino ai tana lipoti e lipoti ai te kaha kona (GHG emissions). Ko te hao o Tokelau i ana taumafaiga ke fakailoa ko ia e fakamaoni i ona tiute fakamalo e lipoti ai te aofaki ote kata mo na fakamaumauga a malo kaufakatahi.

Kotokotoga o na Ikuga taua:

8. Na iku manua te fakamomoe nae taumafai ki ei te Fono 24, ke iei he maliliega kui ihe “rule book” pe he polokalame galue mo te fakatinoga ote maliliega e takua kote Paris Agreement kako heki fakamalohia tona fakataunukuga ite 2020.

Pikitaga Tokelau ma Niuhila & Hikihiki te tulaga ona hatalaga

9. (i) Ko te pitaga a Tokelau ma Niuhila e fakaauau lava te makeke. Nae galue vavalalata, fakataulagolago ma taukikila mo ni avanoa fakailoa ai ia

Tokelau ma ana taumafaiga. Nae fono te kaufono katoa a Niuhila (loto ai ia Tokelau) ina aho uma ke lipoti mai ai na pito kehekehe ma fakailoa ai na matakupu nae talanoa ina fono kehekehe ma peleni kina talanoa ka hohoko. Nae fono foki ina aho uma ma tagata Niuhila uma na fakatahi atu kite Fono 24 mo he latou mainaga kina matakupu a Niuhila. Nae fakataulia ia Tokelau ke fakatahi atu kite tatalaga aloakiga ote Fono 24, ma na fono lalahi fakavaomalo ma na tahi fono patino mo ni matakupu (side events).

- (ii) I tana folahaga muamua kite Fono, na filifilia ai te Minihita o Niuhila ia James Shaw ma ietahi hui, na fakailoa aloakia ai e ia kite fono tona agaaga fiafia kite fakatahi atu o Minihita Kelihiano Kalolo mai Tokelau.

Na fakailoa aloakia e Minihita Shaw te fehoahoani tau heleni a Niuhila kina fenua ote Pahefika. Na fakalautele tana fakamainaga ke fakailoa ko Niuhila foki ka fehoahoani kui heleni kina fenua ote Pahefika e he maua e kilatou na fakatupega kehekehe tau kite huiga ote tau i lalo ote malo kaufakatahi (UNFCCC) veia kote Green Climate Fund mafua mai kote latou tulaga fakapolitiki (koi lalo ohe kikilaga a he tahi malo) veia ko Tokelau.

Na fakatahi atu foki ia Minihita Kalolo kite fono lahi a malo uma i lalo ote malo kaufakatahi (UNFCCC) na fofola aloakia ai e Minihita Shaw te folahaga a Niuhila kite Fono 24 venei.

“Fakavaomalo, kua hiki ai ki luga ihe 50% te matou fehoahoaniga tau heleni kite \$300 miliona mo te fa (4) tauhaga ka hohoko, ko te lahiga e fakafano i loto ote Pahefika, ona e fakaalofa tona tulaga ina huiga ote tau.

Ko matou e fiafia oi tutu fakatatahi ma na paaga a kimatou mai te Pahefika ite Fono 24. Fakatahi ma Tokelau, kohe vaega eo Niuhila kite fakataunukuga ote maliliega i Paris (Paris Agreement) ma he vaega taua ote kaufono a Niuhila i Katowice”¹

Afioga Minihita James Shaw, 12 Teheama 2018.

Na fakailoa aloakia kite fono e Minihita Shaw ia Minihita Kalolo kite fono i Katowice.

Lagolago ma hapoti mo Tokelau ma tana peleni taki

10. Na maua ma talia e Tokelau ni avanoa ke tufaaki, fakatalanoa ma fakalauiola ke hakili auala mo ni fehoahoaniga, ma fakalauaitele ai tana hokotaga, veia kona fono ina aho takitahi ana tino mana kulupu Niuhila uma na fakatahi atu kite Fono 24, fkt. na hui o Maoli. Ite pikitaga ma Niuhila, na maua ai ni valakaulia a Tokelau mai; i) Minihita ote Huiga ote Tau mai Kanata ki he tama function, ma ii) Amapaha o Indonesia kihe omoe na tapena e te Ministry of Maritime Affairs o te malo o Indonesia. Ko te kautu ote omoe, ke talatalanoa ai kite polokalame mote 2019, mo te fakalapotopotoga fou - AIS

¹ <https://www.beehive.govt.nz/speech/new-zealands-national-statement-cop24-climate-summit>

(Archipelagic Island States). He fakalapotopotoga fou, e pikitaga ai te UNDP ma te Malo o Indonesia. Ko te hini kautu ote fakalapotopoto fou tenei, ko te huiga ote tau; ma na lukitau mafua mai ina huiga kina fenua e iei o latou tahi fenua e takua ni vaega eo ia, ma te koga tai. Ko te kautu e fatu ke fehoahoani kina fenua i loto ote maopoopoga tenei, fakatupega, ma fakatino ni aitia foou agai kina huiga ma ietahi lukitau e hokotaki.

Tokelau ma ana paaga ite Pahefika

11. Na fakatupe e Niuhila kae pulepule e te SPREP he koga (pavilion) ke fakatino ai na fono, talanoaga, side-events ana fenua ote Pahefika, fakalapotopotoga itulagi, na uo ate Pahefika ma te Oceans Pathway. Ni ietahi ona side-events na fakatahi atu ki ei ia Tokelau: (i) Ko te launch ote Peleni Taki a Fiti (Fiji Climate Change Strategy), (ii) Hami ohe faigapaaga fou ite va ote PIDF mate Solar Heads of State (SHOS), Oceans – Blue Economy na fakatalanoa ai te fonotaga e loma ite 2019 ate ‘Oceans pathway’, ma (iii) fakalapotopotoga e takua “Na uo ate Moana” (Friends of the Oceans) mo he folahaga agai kina taumafaiga mo na fakahao ma te taua.

Na lahi he lagolago ma he hapoti a Tokelau kina side-events a te Pahefika. Na matau ma na fakailoa aloakia ihe fakafetai.

Tokelau LivC Club

12. Na iei he talanoaga ma Minihita Kalolo, he tahi ote kaufaigaluega ma Professor Edvard Hviding mai te Univehe o Bergen, Norway kihe polokalame hukehuke fakatahau kina huiga ote tau, kae patino tonu kite “Hua ote Tai (Sea level rise) mate Moana ma ona pulepulega ite Pahefika” – ko Tokelau ke i loto ote poloketi lahi tenei. Kote poloketi ma te kauhaga hukehuke fakapitoa e kamata mai ina manatu ma lagona o tagata, ma te hukehukega/iloiloga kina mea tau Pahefika, oi fakalaauaitele ai kite tulafono ma te iloa kite tau. Na filifili na fenua tu maulalo e fa (4). Ko te tahi ko heki tu tokatahi; Marshall Islands, Kiribati, Tuvalu ma Tokelau. Ko kilatou kua matau e afaina lahi ite ikuga ote henituli 21st (21st century) ite hikihiki ote hua ote tai. Ko na popolega e he gata oi oti kina laufenua (kelekele) kae e vena foki te tu maulalo ma te hakoga e taki mai ai te 200-maila ote EEZ kafai e tafea – he vaega foki eo te kogatai o na fenua ote Pahefika ei ina ono galo.

E galulue fakatahi te na Univehite a Bergen ma te USP ite poloketi, ma kote Palemia o Tuvalu ka ‘champion’ ite takiga ote poloketi.

Poloketi GHG Tokelau: Kafai e kimatou mafaia, e ke mafaia?

13. Ite aho 7 o Tehema na galulue fakatahih ai ia Tokelau ma Niuhila ke fakalauiola te ‘Project GHG Tokelau’ ki he maopoopoga (side-event) ite Fono 24. Kote folahaga na fakailoa atu ai na hitepu na fakatino ai te galuega a Tokelau ke lipoti na tulaga fakamaonia ai te levolo ote kaha (greenhouse gas emission) a Tokelau. Kote lipoti a Tokelau e fakapipiki fakatahi mate lipoti a Niuhila (NZ GHG inventory) e tuha ai mate malilienga ko malo uma e lipoti a latou GHG kite UNFCCC.

Na manuia na te fakamoemoe. Na fakailoa te fiafia o kilatou na fakatahi atu kite maopoopoga ma kilatou foki na logotala kite folahaga a Tokelau/Niuhila. E matau te

galulue fakatahi o Tokelau ma Niuhila ma te la taki e taki ai na vaega tau kite huiga ote tau (fk. Tokelau tena muamua tana solar), ma te lipoti kite UNFCCC.

TALANOAGA A NA TAKITAKI OTE PAHEFIKA – HUIGA OTE TAU 14-16 TEHEMA 2018

14. Na nofoia he fono a na Takitaki Huiga ote Tau ote Pahifika ite Wilton Park House i Egelani mai te 14-16 Tehema 2018. Na galulue fakatatahi te Wilton Park, Pacific Islands Forum Secretariat, te Ofiha kite va-ki-fafo ote malo ote United Kingdom ma te Ofiha ote Commonwealth, vena mate Ofiha kite va-ki-fafo o Niuhila (MFAT) mote fakataunukuga ma te fakafoega. Kui ini valakaulia fakapitoa na mafai ai kilatou na fakatahi atu kite fono tenei. Ko Minihita Kalolo mate kauhaga na valakaulia e te Ofiha o NZ kite va-ki-fafo – MFAT.

15. E he katoa he toka 100 ote kaufono na valakaulia - ei loto ai ni takitaki mai te Pahefika, toka tolu ia Minihita ote malo ote UK ma na tautua, Amapaha kite Moana mai te malokaufakatahi, na Apamapaha oni malo, Minihita o NZ ma na tautua, hui mai na fakalapotopotoga, hui mai ini Univehete. Na nofoia te fono i tua mai ote Fono 24, he avanoa ke talatalanoa ai na ikuga ote Fono 24 ma ni vaega na matau mo te kikila ki mua mo ni muna ki te huiga ote tau ma huiga ote moana. He avanoa foki ke fakamakeke ai ni hokotaga ma fatu ai foki ni hokotaga foou kui ini faiga paaga.

16. Kote aho muamua na lahi matau te Fono 24, ma ni faiga ke fakamakeke ai te leo ote Pahefika ite UNFCCC. Na matau, kote feeke ma te galulue malolohi ona takitaki, na fakalapotopotoga kehekehe na manuia ai te fakamoemoe mo he pahiaga kihe ‘tuhi taki’ (rulebook) ke fakatulafono ai te fakatinoga ote Paris Agreement kafai e pa kite taimi e fakamalohia ai te fakataunukuga ite 2020. Na iei foki he matauga kite malohi ote tutu fakatahi oni nai malo lalahi ke teteke ai te lipoti ote iloiloga e fakamautinoa mai ai te tulaga tonu kua iei te mafanafana ote lalolagi ma te levelo ote kaha kona kua agai lava ki luga. Ko na lipoti ienei e taku kote ‘IPCC Report’ ma te 2018 UNEP Emissions Gap Report – ko na lipoti ienei na fakatino e ni komiti na tofia e te Fono. E takua ena lipoti na tulaga tonu ote mafanfana ma agai pea ki luga te levolo ote kaha, ma ko te avanoa ke togafiti ai kua gaholo e taigole.

17. Ko te lua o aho ote fono, na fakatalanoa ai ni vaega taua e fa fakakulupu: (I) Moana/Huiga ote Tau (ii) fehoahoaniga tau heleni/fakaleleiga atili (iii)Huiga ote Tau/Puipuiga (iv) tino e gaoi ma malaga kini tahi koga. Ko na ikuga ona matakupu e matau mai ai na vaega e fakatutu ke fakatino, ma fehoahoani kui ini fautuaga mo te fatuga ona polihi.

18. Na iei na manatu o Tokelau kina talanoaga ona matakupu i) moana/huiga ote tau, ma te ii) huiga ote tau/puipuiga (e iei te lipoti katoa ote fono ko heki totoka te fakaliliua, e mafai ke tuku atu kafai e makomia). Ko te lipoti katoa ote fono i Egelani koi fakatotoka ite taimi nei oi kua tuku mai ai ete kauhaga na fakafoegia te fono.

PEPA FAKAOPPOPO 6: LIPOTI A TE KOMITI HIKOLAHIP

Kautu

Ko te kautu o te pepa tenei ke tuku mai ai lipoti fakaauau ki te Fono Fakamua agai ki te tulaga kua iei te Hikimi Hikolahipi a te Malo o Tokelau. E fakamatea mai ai foki ma ni ietahi matakupu e tuha ai ma te kikilaga o te Hikimi ma ke tuku atu ai foki ma ni fakatutuga ki te Fono Fakamua mo he fehoahoaniga heleni mo tenei Iloiloga Fakalototonuga o te Paketi a Tokelau

Talaaga

Ko te 2017 ko te taimi muamua ia na toe iloilo ai te polihi o te hikolahipi talu mai te fakatotokaga o tenei polihi ma tona fakatelega mai te 2010.

Ko te Hikimi Hikolahipi a te Malo o Tokelau na fakatu ke mafai ke maua ai ni avanoa mo tagata nuku ke mafai ke oatu ai ke aoga i na akoga maualuluga i fafo, fakatahi ai ma na iloa fakapitoa, na poto ki na fakatinoga o na ata fakatino vena ma na aoga fakafaifeau. Nae fakamoemoe ke fakalelei atili ai na hikili, te koleniga vena ma te iloa o ni tagata nuku, ma ke fatu ai ma te mafai ke fai hao ki te atiakega taoga o Tokelau. Ko te fakakautu o te Hikimi ke fakamautinoa ko kilatou e fakamanuiagia i na hikolahipi ke toe liliu mai ki Tokelau kafai e totoka alatou hikolahipi, ma ke fai hao ki te atiakega o te atunuku kui mai i olatou iloa fakapitoa ma ke kavea ma ni takitaki lelei. Nae fakamoemoe foki ke lagolago ki te atiakega o ni hitiheni lelei mo te lalolagi, e malohi i talatou aganuku Tokelau kae mafai foki ke kikila fakalauaitele ki na lagona mai fafo. E lavea fakatahi atu ai kiei ma te mauagia o ni hikili mai fafo, e he gata ki te popoto i na matakupu takitahi kae ko na hikili ke iloa oi mafaufau totoka ai kina matakupu, iloa oi galulue fakatahi ma tagata, iloa oi talatalanoa totoka, ke makekeke ma ke tu tautahi.

Ko na Aiaiga mo te Faiga Filifiliga o na Hikolahipi

Ko te iloiloga o te hikolahpi na fakamatea mai ai te lagolago malohi ke fai te faiga filifiliga o na hikolahipi fatu ki luga o na taumafaiga fakateakoakoga vena ma te talafeagai o na matakupu e fia oatu kiei na fanau taki kina atiakega e fakamuamua e te malo ma na nuku. Ko te tiute patino mo te fakatinoga o te faiga filifiliga e o te Komiti Hikolahipi a Tokelau ma e tokaono(6) ia hui mamalu o te Fono Fakamua, e takilua mai na fenua e 3.

Ko te faiga filifiliga o na hikolahipi e fakatino fakalua i te tauhaga, i te mahina o Me i te afa tauhaga muamua, ma te mahina o Tehema i te afa tauhaga tona lua. Ko kilatou uma na apalai mai ki te hikimi e logo aloakia te tulaga o alatou apalai kafai e totoka te faiga filifiliga a te Komiti.

Fehoahoaniga mo Fanau Akoga

Ko na fehoahoaniga mo kilatou e apalai ki te Hikimi e fakatino i na hitepu uma lava ke pa lava ki te taimi e maua ai alatou hikolahipi E fakatino na vaega ienei kui atu i na fautuaga agai ki na kohi e fia oatu kiei vena te tulaga o ni faiga filifiliga ki ni alatou galuega mo te lumanaki ma vena foki kite fakatotokaga o na apalai a na fanau ki na akoga e fia oatu kiei. Ko tino apalai uma e kavatu kiei ni fehoahoaniga ki te fakatumuga o alatou apalai ma e vena foki ma tuku

atu ai kiei ma na fautuaga mo na pepa e manakomia mo na tulaga o na faiga malaga ma ietahi vaega mo na manakoga tau te tagata ulufale atu ki hetahi atunuku ke ola aoga ai.

Ko kilatou uma na fakamanuiagia na apalai e tuku atu kiei na fehoahoaniga mai te mataeke kui atu i ni fautuaga ka ko heki malaga atu kina akoga e fakamoemoe kiei, e lavea ai na fehoahoaniga ma manakoga o na atunuku mo tagata ka ulufale atu kiei ma nonofo ai, ko te tulaga o alatou heleni ma ietahi vaega e fakamanuiagia ai i te Hikimi, ko te tulaga o na auala mo na fehokotakiga mo te haogalemu ma ni ietahi matakupu e patino ki te tulaga o alatou akoakoga

Matakupu

I te fakaaloakiagia o te polihi o te hikolahipi i te 2018, na lagolago ai foki e te Fono Fakamua te tulaga o te fakafale uma o na hikolahipi uma ki lalo o te Hikimi Hikolahipi a Tokelau. Ko tona uiga ko na hikolahipi uma na i lalo o ietahi mataeke ma na nuku ka tuku aloakia ma fakamalu mai ki lalo o te fakamalumaluga a te Hikimi Hikolahipi a Tokelau.

Nae fakakitea i tena taimi ko te fakafalega mai tenei o ietahi hikolahipi e i la fakatino i he tauhaga e fokotahi, ma, i te 2018, ko na hikolahipi uma kua i lalo o te Hikimi Hikolahipi a Tokelau. E lavea ai ma na hikolahipi mai na matata kehekehe fakatahi ai ma na akoga fakafaifeau ma na heminalio e ve ko Moamoa ma Malua.

Na iei he malamalamaga i tena taimi i te fakatinoga ai o tenei fakamaluga mai o na hikolahipi, ka iei he fakatupega ke fehoahoani ki te hikitia o na numela o na fanau akoga, kae, e heki fakamanino lelei i tena taimi pe kaumai i fea tenei fehoahoaniga.

Ka ko heki fakatinoa tenei huiga, ko te numela o fanau i te Hikimi e 56.

Numela o fanau na fakaauau mai i te 2018	58
Numela o na fanau nae totogi e na nuku ma na mataeke	13
Aofaki o na fanau i te Hikimi Hikolahipi a Tokelau i te 2018	71

Puha 1: Aofaki o na fanau akoga i te Hikimi i te 2018

I te tapenaga o te paketi a te mataeke mo te tauhaga tupe 2018/2019, na fakatagi ai te mataeke ki he \$1.4m ke fakamatea ai te hikitia o te numela o na fanau kua i te hikimi fakatahi ai ma kilatou nae fakatupegia alatou akoga e na nuku ma na mataeke.

Ko te paketi na pahia e te Fono Fakamau mo te Mataeke mo te TT 2018/2019 e \$2.75m, ma ko tetahi \$1m, na fakapatino mo na fanau i te Hikimi Hikolahipi. Ona ai ko te he holotonu o te tauhaga tupe ma te tauhaga fakateakoakoga, na fakamatemate te tau aofaki e manakomia mo te 6 mahina e nofo mai i te \$700,000 ma ko he aofakai e \$1.4m mo he 12 mahina

I te kamataga o te tauhaga fakateakoakoga 2019, e 67 ia fanau i loto o te Hikimi Hikolahipi a Tokelau.

Numela o fanau i te Hikimi Hikolahipi 2019	
Numela o fanau fou i te Hikimi 2019	15
Numela o na fanau na fakaauau mai i te 2018	52
Aofaki o na fanau i te hikimi i te 2019(Afa Tauhaga Muamua)	67*

Puha 2: Aofaki o na fanau i te Hikimi i te 2019

*E he aofia ai te 46 o kilatou i te Prelim ma te Foundation i Tokelau

Ko te paketi fakaataata mo te tauhaga fakateakoakoga 2019 e \$1.5m. Ko te lipoti fakaauau o na fakafanoga heleni mai te Hikimi Hikolahipi ki a Tehema 2018, e fakaali mai ai kua \$600,000 te heleni kua fakaaoga i te 6 mahina muamua ma e \$447,000 te heleni koi totoe mo te 6 mahina mulimuli o tenei tauhaga tupe. E tuha ai ma te numela ona fanau e i te Hikimi nei vena ma te tulaga o na fakafanoga heleni, e matau e \$330,000 e he katoa ai te fakahoa. Ke fakamautinoa e totoka te tulaga o he heleni ke fehoahoani ai kina fanau i loto o te hikimi, e fakatu atu ki te Fono Fakamua ke he hilialtu i te \$330,000 ke fakatatia mai ke fehoahoani ai ki te Hikimi.

	Aofaki fakaataata (\$) mo te Tauhaga Fakateakoakoga 2019	Paketi mo te 18/19TT \$1m
Fanau akoga i fafo	\$1,453,725.28	\$600,000 Paketi fakafano e ve ona ieia i te mahina o Tehema 2018
Fanau akoga i Tokelau	\$82,000	Paketi koi totoe mo te fakahoa \$447,000
Aofaki	\$1,535,725.28	Paketi e he katoa ma e manakomia \$330,000

Puha 3: Aofaki fakaataata mo te tauhaga fakateakoakoga ma na heleni manakomia ke tautali ai ki te Hikimi mo te toe 6 mahina o te TT 2018/2019..

Fakamaumauga o Kilatou e Totoka mai i te Hikimi

Ko na tauhaga kua teka malie atu kua matau ai te lahi o te fehoahoani atu a te malo ki te Hikimi Hikolahipi. E ui ko na fakamoemoega ko te taumafaiga ke fakalahi ni avanoa mo tagata nuku ke mafai ke iei ai ni ietahi avanoa ke koleni ma akoakogia ai, ke mafai ke fai hao ai ki te atiakega o te atunuku, ko na fakamaumauga ki te tulaga o kilatou e totoka mai i te Hikimi, e ui e holoholo totoka malie, e atagia mai pea lava te manakomia lahi ke fakatototoka lelei na fanau vena te tulaga e tautuku ai ma kikila te Hikimi, kae ke fakalahi ai te tulaga o te lelei e maua mai i tenei atiake kua lahi ni heleni kua tuku atu kiei. Ko te polihi o te hikolahipi e manino lelei kina fakatutuga ienei ma e lavea ai te:

- Lava ma totoka na tapenapenaga o kilatou uma e fia apalai ki te Hikimi mai te taimi lava e ulufale atu ai kina akoakoga ma vena na iei ma ni auala manino ma te totoka fakateakoakoga fakatahi ai ma ni avanoa ke fai filifili ai ki ni alatou galuega e ono fofou kiei i te lumanaki
- Lava ma totoka na fehoahoaniga fakateakoakoga fakatahi ai ma ni fautuaga lelei mai na akoga mo ni lumanaki manuia ki ni filifiliga agai ki ni galuega e fia oatu kiei
- Lava ma totoka na fehoahoaniga kina hui e apalai mai ke pa lava ki te taimi e filifili ai fakatahi ai ma na fautuaga faipea i te taimi kua oatu ai kina akoga e holo kiei
- Manino o na fakamuamuaga mo na atiakega a te malo ma na nuku ma ke kavea ma aiaiga taua mo te filifiliga o na hikolahipi fakatahi ai ma te lelei o na taumafaiga fakateakoakoga
- Totoka o na fehoahoaniga ki te atiakega o te iloa ma te mafai mo kilatou uma e lavevea i te taukikilaga o te hikimi hikolahipi
- Fakatino o ni fonotaga vena ma te lipotiga atu faifai pea ki te Fono Fakamua ma tagata nuku uma agai ki te tulaga e iei ai te Hikimi Hikolahipi
- Totoka o te tuku fakatahiga o na fakamatatalaga ma fuainumela agai ki te Hikimi kae ke fehoahoani ki te faiga totoka o ni tonu lelei

Tauhaga	2010	2011	2012	2013	2014	2015	2016	2017	2018
Numela o fanau i te Hikimi	14	12	19	21	18	36	54	63	71
Numela o kilatou na fakamuta na	1	2	1	4	4	6	14	16	10

hikolahipi									
Numela o kilatou na fakauku	3	1	1	4	4	5	2	9	8

Puha 4: Aofaki o fanau i te hikimi talu mai te 2010, fakatahi ai ma kilatou na fakamuta na hikolahipi vena ma kilatou na fakauku.

Ko na fuainumela e totoka mai ki te tulaga o te holoholo tokalahi o kilatou e fakamanuiagia mai i te Hikimi e toe liliu mai ma tautua i fenua.

Fakaikuga

Ko te holoholo lelei o te hikimi e fakamoemoe lahi ki te tautali totoka atu kina fakatutuga mai te iloiloga o te polihī. E fakamoemoe ko te tulaga faifai peā o na lipotiga o te hikimi ka mafai ke tuku atu ai he avanoa ke fehoahoani ki te fakatinoga o ni tonu lelei. Ko te fakaleleiga atili foki o te iloa ma te mafai o kilatou e kikila te hikimi e mafai ke tuku atu ai ni fautuaga lelei ki te Fono Fakamua.

PEPA FAKAOPOOPO 7

TULAFONO O NA TINO TAUTUA FAKAPITOA INA TAUTUAGA TAU TE OLA MALOLO 2019

1. Igoa
2. Kautu
3. Fakauigaga

Tino Tautua Fakapitoa ina Tautuaga Tau te Ola Malolo

4. Te Pule
5. Fonotaga
6. Tino Lehitala
7. Na tuhi talohaga mo te lehitalaga
8. Na tonu agai ki na tuhi talohaga
9. Lehitalaga Fakavaitaimi ite leleiga fakamua
10. Tautuaga e fakatinoga I lalo o ni Kikilaga
11. Ko na Tukutukuga e fakafetaui ki he tino kua lehitalagia
12. Fakaau o na atiakega ke fakalelei pea na iloa ma na hikili
13. Pepa Fakamaonia o te Lehitalagaa
14. Fakafou te Lehitalaga
15. Kave kehe mai te Pepa Fakamaonia
16. Na Faitioga pe ko na popolega
17. Te Auala e Fakatino i ite Mauagia o te Fakaaliga
18. Fakatinoga e Fai
19. Toe Iloilo na Tonu
20. Ko na tauale e togafiti i fafo atu o Tokelau

Vaega Kehekehe

21. Puipuiga ma ni Moliaga ki te Tulafono
22. Na tiute o te tino kua takua he tino e tautua fakapitoa ina tautuaga tau te Ola Malolo
23. Fakatinoga Taufakahehe
24. Holigatulafono
25. Huiga

Pepa Fakaaoopoopo 1
Tino Tautua Fakapitoa ina Tautuaga Tau te Ola Malolo

Pepa Fakaaoopoopo 2
Ko na atunuku e aloakia ai na tuhi fakailoga mo tautuaga
Tau te ola malolo

Pepa Fakaaoopoopo 3
Pepa Fakatumu

Vaega 1
Kamataga

1 Igoa

Ko na Tulafono ienei mo na TinoTautua Fakapitoa ina Tautuaga Tau Te Ola Malolo 2019.

2 Kautu

(1) Ko te kautu o na Tulafono ienei e puipui ai te ola malolo ma te haogalemu o te ola malolo o tagata Tokelau ite tuku atu o na fauhaga e fakamautinoa ai ko na Tino Tautua Fakapitoa ina Tautuaga Tau te Ola Malolo ieia e mafai ke tautua ia latou tautuaga tau te ola malolo i Tokelau.
(2) Ko na Tulafono ienei e aloakia to na fakatinoga i te 2019.

3 Fakauigaga

I na tulafono ienei –

Ko te Pule ko to na uiga ko te Pule kua fakavae fakatatau ki te tulafono 4;

pepa fakamaonia ko to na uiga ko te pepa fakamaonia e tuku atu fakatatau kit e tulafono 13;

Fakatonu ko to na uiga ko te Fakatonu o te Ola Malolo;

Tino Tautua Fakapitoa ina Tautuaga Tau te Ola Malolo ko to na uiga ko he tino kua tautua ina tautuaga tau te ola malolo ;

Tautuaga tau te ola malolo ko he tautuaga kua fakapatino mai ite Pepa Fakaopoopo 1

Tautuaga tau te ola malolo ko to na uiga ko he tauaga kua tuku atu mot e kautu ke hiaki, fait e fofo, puipui, pe kikila te tulaga o te malo o te tino pe ko te fakatemaufuafua o he tauale, aofia ai te tulaga pe ko te he katoatoa ona ko te inu ava malohi pe ko te maluana;

tuhi fakailoga e aofia ai-

- (i) ko he kohi patino tau te akoakoga p eke koleniga pe
- (ii) ko he hukega fakapitoa; pe
- (iii) he poto patino fakapitoa ; pe
- (iv) he tuhi fakailoga patino, e kehe mai ai te tuhi fakailoga teia e fakahino o ei na palakalafa (i) ki (iii), teia e aofia ai te malohi katoatoa ke fakatino te tautuaga tau te ola malolo.

Atunuku kua amanakiagia ko he atunuku kua tuhi manino mai ite PepaFakaopoop 2.

Tino Lehitala ko to na uiga ko he tino o te Kaufaigaluega Tautua kua tofia ki te tofi tenei.

Vaega 2

Tino Tautua Fakapitoa ina Tautuaga Tau te Ola Malolo

4 Te Pule

- (1) Ko te Pule **o na Tino Tautua Fakapitoa ina Tautuaga Tau te Ola Malolo.**
- (2) Ko na tiute a te Pule ienei-
 - (i) kikila ki na tuhi talohaga ke tautua ai ihe tautuaga tau te ola malolo i Tokelau;
 - (ii) lehitala na **na Tino Tautua Fakapitoa ina Tautuaga Tau te Ola Malolo** o Tokelau;
 - (iii) fakatatia pe fakamatea na tulaga e tatau keiei agai kin a tautuagama na uiga o na **Tino Tautua Fakapitoa ina Tautuaga Tau te Ola Malolo**
 - (iv) fakamautinoa ko te toe fakaleleia o na tulaga e tatau ke fai ai na tautuaga tau te ola malolo ma ke fakatutupu te aitakega o na taki ma te pulea o te amioa,
 - (v) fuafua na fakatatiaga mot e fakaauau pea o na akoakoga ieia e tatau ke fai e na **na Tino Tautua Fakapitoa ina Tautuaga Tau te Ola Malolo**
 - (vi) mauagia, kikilaga, fai agai ki ei he tonu ma fai he fakatinoga e tuha ai ko na fakamatalga kua maua agai kit e ola malolo pe ko uiga o na tino **na Tino Tautua Fakapitoa ina Tautuaga Tau te Ola Malolo**;
 - (vii) gafa ma matakupu ieia e tau kit e fakaheaiga, fakamalolo, pe kavekehe mai ma te toe tuku ki ei te lehitalaga o **na Tino Tautua Fakapitoa ina Tautuaga Tau te Ola Malolo**;
 - (viii) fakailoa te ola malolo o tagata fakamua e tuha ai ko te tiute o te Pule;
 - (ix) fai ma fakatino ie tahi galuega, mafai ma na tiute e tatau ke fai mot e kautu o na Tulafono ienei.

- (3) Ko na hui o te Pule e aofí ai—
 - (i) Te Fakatonu o te Malolo;
 - (ii) Ko te Komehina o te Kaufagaluega Tautua a Tokelau;
 - (iii) Ko he tino e fokotahi e tofia e na Taupulega o na nuku takitahi.
- (4) Ite tulaga kafai ko te Fakatonu e fai hana tuhi talohaga mo lehitalaga fakatatau ki te tulafono 7, ko te Pule e aofia ina hui e fa kehe mai ai te Fakatonu ma ke kavea te Komehina o te Kaufagaluega Tautua a Tokelau ko te Takitakifono.

5 Fonotaga

- (1) Fakatatau ki na Tulafono ienei, ko te Pule e fakatotoka e ia na auala e fai ai, i a na fonotaga ma pe vehea lava, I hohe matakupu e kikila ia e talafeagai ai.
- (2) Ko te Pule e fono ite taimi ma te koga e veia ona fakailoa ki na hui e te Takitakifono.
- (3) Ko he fonotaga ma te Pule e mafai ke fai ite tulaga ko—
 - (i) Na hui uma e maopoopo fakatahi ite taimi ma te koga e tofia ai; pe
 - (ii) Te fonotaga e fai ihe leitio, pe he tahi auala e mafai ai ke talanoa ma kite ate tahi, pe ie tahi auala o fehokotakiga, ma
 - (iii) Ko na fehili uma mot e Komiti e tatau e fai u mua o te Pule e fakatino ihe tulaga e malilie fakatahi ki ei

6 Ko te Tino Lehitala

- (1) Ko te Fakatonu e—
 - (i) Taupau te lehitala o **na Tino Tautua Fakapitoa ina Tautuaga Tau te Ola Malolo** I Tokelau ite tulu ki loto ite fakaopoopo ki ei ma te kavekehe mai te lehitala ke atafia ai na tonu a te Pule;
 - (ii) Tuku atu na pepa fakamaonia e tuha ai ko te tulaga o te tautuaga fakapitoa o **na Tino Tautua Fakapitoa ina Tautuaga Tau te Ola Malolo**;
 - (iii) Maua na fakaaliga aofia ai te agavaka, uiga pe ko te ola malolo o **na Tino Tautua Fakapitoa ina Tautuaga Tau te Ola Malolo**.

- (2) Ko te lehitala e taupau ite mahini ma e fai agai ki te tautuaga fakapitoa ite tau te ola malolo e tuha ai ko te tulaga kua lehitala ai **na Tino Tautua Fakapitoa ina Tautuaga Tau te Ola Malolo**.
- (3) Ko te lehitala e aofia ai:
 - (i) Te igoa o te **Tino Tautua Fakapitoa ina Tautuaga Tau te Ola Malolo**
 - (ii) **Te tuatuhi o te Tino Tautua Fakapitoa ina Tautuaga Tau te Ola Malolo I Tokelau pe tuatuhi e nofo ai te Tino Tautua Fakapitoa ina Tautuaga Tau te Ola Malolo;**
 - (iii) Ko na tuhi fakailoga tau akoakoga teia kua mafai ai te **Tino Tautua Fakapitoa ina Tautuaga Tau te Ola Malolo ke fai tana lehitala;**
 - (iv) Ko nia ni tukutukuga ieia e fakafetaui ki te **Tino Tautua Fakapitoa ina Tautuaga Tau te Ola Malolo;**
 - (v) Ko ni a ni fakahalaga pe ni fakatinoga na fai ki te **Tino Tautua Fakapitoa ina Tautuaga Tau te Ola Malolo fakatatau kit e Tulafono tenei, e iei ni fakatonuga na tuku ki ei; ma**
 - (vi) E iei ni e tahī fakamatalaga e takafeagai ki te tulaga e iei te **Tino Tautua Fakapitoa ina Tautuaga Tau te Ola Malolo 1.**
- (4) Ko te tino lehitala e tatau lava ke avanoa to na taimi mo na ahiahiga mo na tino i hohe taimi talafeagai.

7 Tuhi talohaga mo lehitalaga

- (1) E heai he tino e fakatino e ia he tiute veia ko he **Tino Tautua Fakapitoa ina Tautuaga Tau te Ola Malolo vagana ai ko te tino tena kua lehitala I lalo o na tulafono iena ma kua iei hona pepa fakailoga.**
- (2) Ko na tuhi talohaga uma mo lehitalaga veia ko he **Tino Tautua Fakapitoa ina Tautuaga Tau te Ola Malolo e tatau lava ke –**
 - (i) Fai ihe tuhituhiga ki te Pule ite pepa fakatumu kua fakatatia atu ite Pepa Fakaopoopo 3;
 - (ii) Fakatahi ai ma tuku mai o ni fakamaoniaga ki te tulaga e fiafia ai te Pule agai ki na vaega kua takua ite pepa fakatumu.
 - (iii) Tuku mai ni fakamaoniaga o ni tuhi fakakiloga tau ki na

akoakoga talafeagai mai he akoakoga a he atunuku e lauiloa.

8 Ko na ikuga agai kina tuhi talohaga

- (1) Kafai e kikila kina tuhi talohaga mo na lehitalaga, ko te Pule e tatau ke –
 - (i) Maua mai ni fakamatalaga mai a, pe ni fehili, ko te tino talohaga pe ko he tahi tino e tuha ai ko he talohaga kua iei he kikilaga ki ei ma te Pule;
 - (ii) Mafai te Fakatonu ke fakamaonia hohe matakupu e kaiga kit e tuhi taloahaga pe hakili ni tahi fakamatalaga talafeagai e fetaui ki te tuhi talohaga;
 - (iii) Mafai hohe tino ke fakamaonia kui mai ihe takutinoga tuhituhia pe he takutinoga kua fakailoa aloakia ki hohe vaega o te tuhi talohaga.
- (2) I te kua maea o te iei ohe kikilaga ki te tuhi talohaga mo lehitalaga, ko te Pule e tatau lava –
 - (i) Tuku atu ki te tino talohaga I te tautuaga patino tau te ola malolo teia na talohaga mai ki ei mo I, fakatatau ki ni tukutukuga kua tuku ki ei e te Pule fakatatau ki te tulafono 11; pe
 - (ii) Tuku atu ki te tino talohaga he lehitalaga mo he taimi pukupuku fakatatau kit e tulafono 9, fakatatau ki ni tukutukuga kua tuku atu ki ei e te Pule fakatatau kit e tulafono 11;
 - (iii) Ke he talia ke tukua tu ki te tino talohaga he lehitalaga pe he lehitalaga mo he taimi pukupuku kafai ko te Pule e he fakamaliegia ko te lehitalaga e talafeagai pe e manakomia mo te lelei o tagata uma.
- (3) Ko te Pule e tatau ke fautua mai ki te tino talohaga kui mai ini tuhituhiga e uiga ki tana tonu ite taimi lava e vave mafai ai ke fakatino.
- (4) Kafai ko te Pule kua fai hana tonu e he lehitalagia te tino talohaga, pe kua fai hana tonu ke lehitala te tino talohaga fakatatau ki ni tukutukuga I lalo o te tulafono 11, ko te fakailoaga I lalo o te

- palakalafa (3) e tatau ke tuhi ai-
- (a) Na mafuaga o te tonu; ma
 - (b) Ko te tino talohaga e ono mafai ke talohaga mo he iloiloga o te tonu fakatatau ki te tulafono 19.

9 Lehitalaga mo he taimi pukupuku ona e o mo te lelei mo tagata uma

- (1) Ko te Pule e mafai ke tuku atu e ia ki he tino he lehitalaga mo he taimi pukupuku ki he tautuaga patino tau te ola malolo kafai ko te Pule kua fakamaliega eo mot e lelei o tagata uma mot e tino tena, ma o na ko na tuhi fakailoaga tau akoakoaga o te tino tena ma tona poto mahani, ke tautua ai ite tautuaga patino tau te ola malolo tena mo he taimi kua fakatapulagia.
- (2) Ko he lehitalaga mo he taimi pukupuku kua tuku atu fakatatau ki te palakalafa (1) kua tatau ke fai agai ki ni tukutukuga kua tuku ki ei e te Pule fakatatau ki te tulafono 11.
- (3) Ko he lehitatalaga mo he taimi pukupuku kua tuku atu fakatatau ki te e tatau ke fakaauau mo he piliota e he ova atu ite tolu mahina mai te aho na tuku atu ai ki ei, kae e mafai ke fakafou mo he tahi piliota e he ova atu ite 3 mahina ite taimi tena e te Pule.

10 Tautuaga e fakatino i lalo o he kikilagia e he tahi tino

E heai he vaega i na Tulafono ienei e taofia ai he tino ite kaufakatahi ihe tautuaga e fakatino i lalo o he kikilaga a he tahi tino ihe tautuaga tau te ola malolo e fakapatino ki te tulaga e manakomia ai ai mo na koleniga tau te togafitiga ma te kikilaga o he tino tauale, kafai ko te tautuaga tena e fakatino fakatatau ki na tukutukuga na tuku atu e te Pule.

11 Ko na tukutukuga e fakafetaui ki he tino kua lehitalagia

- (1) Ko te Pule e ia mafaia oi lehitala he Tino Tautua Fakapitoa ina Tautuaga Tau te Ola Malolo mo Tokelau i lalo o ni tukutukuga e kikila te Pule e talafeagai pe manakomia ina tulaga e fakamautinoai te malupuipuia na tautuaga a te Tino Tautua Fakapitoa ina Tautuaga Tau te Ola Malolo .
- (2) Ite heai oni fakatapulagia e patino ki na tukutukuga ieia e tuku atu e

- te Pule I lalo o te palakalafa (1), ko te Pule e ia mafaia oi tuku atu –
- (i) He tukutukuga ko te Tino Tautua Fakapitoa ina Tautuaga Tau te Ola Malolo e tautua ma fakatino a na galuega I lalo o he kikilaga a he tahi tino e tutuha foki na tautuaga tau te ola malolo e iei ai;
 - (ii) He tukutukuga ko te Tino Tautua Fakapitoa ina Tautuaga Tau te Ola Malolo e he fakatino e ia ni tautuaga kua fakapatino pe ko te tino talohaga e fakatino e ia ni tautuaga tau te ola malolo fakapitoa ini tulaga kua fakapatino;
 - (iii) He tukutukuga ko te Tino Tautua Fakapitoa ina Tautuaga Tau te Ola Malolo e tautua ini galuega mo he piliota kua fakapatino;
 - (iv) He tukutukuga ko te Tino Tautua Fakapitoa ina Tautuaga Tau te Ola Malolo e tatau ke maua e ia he tahi pe lahi atu o ni e tahi fakailoga tau te akoakoga i loto o he taimi kua fakapatino ki ei he taimi.
- (3) Ko he Tino Tautua Fakapitoa ina Tautuaga Tau te Ola Malolo kua he tauhihi ki ni tukutukuga kua tuku atu ina tulafono ienei, kua holi tulafono.

12 Fakaauau o na akoakoga mot e fakaleleia o te tautuaga patino tau te ola malolo

- (1) Ko na Tino Tautua Fakapitoa ina Tautuaga Tau te Ola Malolo e tatau lava ke kaufakatahi kite fakaauau pea o na akoakoga mo te fakaleleia o te tautuaga patino tau te ola malolo.
- (2) Ko te Pule e ia mafaia oi fakatatia pe fakamatea te fakaauau pea o na akoakoga mo te fakaleleia atili o te tautuaga patino tau te ola malolo mo na Tino Tautua Fakapitoa ina Tautuaga Tau te Ola Malolo e tatau ke maea to latou kaufakatahi atu ki ei ite tulaga e fakamaliegia ai te Pule.

13 Pepa Fakamaonia o te lehitalaga

- (1) Ite tulaga kua pahia e te Pule he talohaga mo he lehitalaga, ko te Fakatonu e fakamau e ia te igoa o Tino Tautua Fakapitoa ina Tautuaga Tau te Ola Malolo ite Lehitala ma tuku atu loa he pepa

fakamaoniaga kit e Tino Tautua Fakapitoa ina Tautuaga Tau te Ola Malolo

- (2) Ko he pepa fakamaonia o he lehitalaga kua tuku atu I lalo o te palakalafa
- (i) e alokia ite aho e tuku atu ai te pepa fakamaonia;
 - (ii) e fakaauau pea te aloakia mo te piliota na fuafuagia e te Pule ma atonu na lua(2) tauhaga mai te aho na tuku atu.

14 Toe Fakafougia te Lehitalaga

- (1) Ko he **Tino Tautua Fakapitoa ina Tautuaga Tau te Ola Malolo** e mafai ke toe talohaga ki te Pule ke toe fakafougia te lehitala.
- (2) Ko he talohaga mo te toe fakafougia o he **Tino Tautua Fakapitoa ina Tautuaga Tau te Ola Malolo** e tatau lava ke fai kako heki taunuku mai ite kua teka te piliota e fakamuta au te lehitalaga
- (3) Ite kua maea o he kikilaga ki he talohaga ke toe fakafougia he lehitalaga, ko te Pule e ono fai e ia te tonu pe fakafoua, pe e he talia ke fakafou, te tuhi talohaga a te tino talohaga ke lehitalagia.
- (4) Ko te Pule e mafai ke he taliagia ke fakafou te talohaga ke lehitalagia
-
- (i) Mo ho he mafuaga na fakaaoga e te Pule ke he talia ke tuku atu te lehitala I lalo o te tulafono 8; pe
 - (ii) kafai te talohaga e he ologatahi ma na tukutukuga o te lehitalaga muamua o te tino taloahaga e veia ona fakatatia ai; pe
 - (iii) kafai, ite piliota o te lehitalaga muamua o te tino talohaga, ko te tino talohaga na he uhitakia te fakaauau pea o te atiakega o te Tino Tautua Fakapitoa ina Tautuaga Tau te Ola Maloloe veia o na manakomia ai ite tulafono 12.
- (5) Kafai e fakafou e te Pule te lehitalaga, ko te lehitalaga e fakatatau ki
-
- (i) ni tukutukuga teia ko te lehitala na fai agai ki ei ite taimi lava tena kako heki faia te fakafougia;
 - (ii) ni tukutukufa fou e kikila te Pule e talafeagai pe manakomia ina tulaga e fakatatau ki ei te tulafono 11.
- (6) Kafai ko te Pule kua fai tana tonu ke he talia te fakafougia o he

lehitalaga a te tino talohaga, pe toe fakafou te lehitala fakatatau kina tukutukuga I lalo o te palakalafa (5), ko te Pule e tatau lava ke tuku atu e ia ki te tino talohaga he fakaaliga e taku mai ai –

- (i) te fakaikuga na fai e te Pule; ma
 - (ii) na mafuaga mo te fakaikuga; ma
 - (iii) ko te tino talohaga e mafai ke talohaga mo he iloiloga fakatatau kit e tulafono 19.
- (7) Ko he lehitala e fakafou i lalo o te tulafono tenei –
- (i) e aloakia ite aho lava tena ite taimi lava e fakamuta ai te lehitalaga muamua o te tino talohaga pe kua fakamuta; ma
 - (ii) kua pahia ite fakaikuga o te aho tena teia kua lua (2) tauhaga ite kua maea tea ho na kamata ai, pe kua pahia tea ho teia e tuhia ite pepa fakamaonia, pe ko tefea lava te vaega e mumua tutupu.

15 Toe kavekehe mai te pepa fakamaonia

- (1) Ko te palakalafa tenei e fakahino ki he tino ko he **Tino Tautua Fakapitoa ina Tautuaga Tau te Ola Malolo** pe he tino nae tautua muamua ko he **Tino Tautua Fakapitoa ina Tautuaga Tau te Ola Malolo** ma –
- (i) Ko to na igoa kua kavekehe mai te lihilehitala i lalo o na Tulafono ienei; pe
 - (ii) Ko te lehitalaga kua toe kavekehe mai i lalo o te tulafono 18.
- (2) Ko he tino teia ko te palakalafa (1) e fakahino ki ei e tatau lava, I loto o na aho e 14 teia ko te fakaaliga ke fakaheai, kavekehe mai pe toe fakaheai na tuku atu kia te ia (tama) pe (tautiti), toe tuku atu ki te Fakatonu ho he pepa fakamaonia e ia te ia.
- (3) Ko ho he tino e he tauhihi ki te palakalafa (2) kua holitulafono.

16 Faitioga pe ni popolega

Ko ho he tino e ia mafai oi fakailoa ini tuhituhiga ki te Fakatonu –

- (i) ko he **Tino Tautua Fakapitoa ina Tautuaga Tau te Ola Malolo** kua fakamaonia to na holitulafono iTokelau pe ihe tahi koga ihe holigatulafono teia e aofia ai te **Tino Tautua Fakapitoa ina Tautuaga Tau te Ola Malolo** ma ihe kikilaga ka ono afia ai to na mafai ke fakatino ai a na galuega ki na tiute na tuku atu ki ei ke

- tautua ai ite tautuaga patino;
- (ii) ko te tautuaga pe ko na uiga o te **Tino Tautua Fakapitoa ina Tautuaga Tau te Ola Malolo** kua fakamaonia kua fakatupu mai ai ni afiaga e fakapopolegia ki tagata;
 - (iii) ko he **Tino Tautua Fakapitoa ina Tautuaga Tau te Ola Malolo** kua fakamaonia kua he ia mafai ke fakatino na galuega e veia ona manakomia ke fakatino ana tautuaga o na ko ni tulaga kua he katoatoa ai fakatemafaufau pe ko te malohi; pe
 - (iv) ko he **Tino Tautua Fakapitoa ina Tautuaga Tau te Ola Malolo** kua he mafai lava ke fakatino na galuega aua kua he lelei ana amio pe kua he agavaka ke fakatino na tautuaga patino kit e galuega na tofia ai.
- .

17 Ko te auala e maua ai te fakaaliga

- (1) Ko te Fakatonu e tuku atu e ia ki te Pule na fakaailiga uma e maua fakatatau ki te tulafono 16.
- (2) Ko te Pule e ono manakomia e ia he tahi tino ke fakailoa ake nie tahi vaega o te fakaaliga, ma e mafai ke toe fai ni a na hakilikiliga fakatatau ki te fakaailiga e veia o na kikila ia e talafeagai ai.
- (3) E kehe mai ai i ni e tahi tulaga tukehe lava, ko te Pule e tatau lava ini tuhituhiga e fakailoa ki te **Tino Tautua Fakapitoa ina Tautuaga Tau te Ola Malolo** teia koi a te patino ki ei te fakaaliga e tuha ai ko na vaega patino ma tuku atu he kopi o te fakaaliga ki te tino tautua tena.
- (4) Ko te **Tino Tautua Fakapitoa ina Tautuaga Tau te Ola Malolo** teia e patino ki ei te fakaaliga e tatau ke valakaulia ke fai, ihe taimi talafeagai e veia ona fakapatino ki ei e te Pule ite fakaaliga na tuku atu ki ei fakatatau ki te palakalafa (3), ko na pepa kit e Pule e tuha ai ko te fakaaliga ite tulaga e kikila ia e talefagai.
- (5) Vagana ai ite tulaga e ono manakomia fakavave ai he fakatinoga ona ko te lelei mo te **Tino Tautua Fakapitoa ina Tautuaga Tau te Ola Malolo** pe ko te haogalemu o tagata, ko te Pule e tatau ke kikila ki na pepa kua tuku mai e te **Tino Tautua Fakapitoa ina Tautuaga Tau te Ola Malolo** e tuha ai ko te fakaaliga i mua atu ka ko heki faia he

fakatinoga e tautali ai ki te fakaaliga.

18 Fakatino Ke Fai

- (1) Ko te Pule e fai e ia he tonu iho he taimi fakatatau ki te fakaaliga ko ia ka-
 - (i) kikila ki te fakaaliga i he fonotaga ma te Pule;
 - (ii) fai he hukehukega ki te matakupu o te fakaaliga;
 - (iii) tofia he komiti tutautahi ke fakatino he hukehukega ki te matakupu o te fakaaliga, ma ke toe lipoti atu ki te Pule e tuha ai ko ana hakilikiliga;
 - (iv) he ia taliagia ke kikila ki te fakaaliga pe fakaheai te fakaailiga.
- (2) (i) Ko te Pule e mafai e ia i ho he taimi fakamalolo mo he taimi pe fakaheai he lehitalaga mo he **Tino Tautua Fakapitoa ina Tautuaga Tau te Ola Malolo** kafai, ite lagona o te Pule ona kua iei ni ana kikilaga e fatu ki ni mafuaga tatau, ko te fakatino o na tautuaga pe ko na uiga fakaalia o te **Tino Tautua Fakapitoa ina Tautuaga Tau te Ola Malolo** e fakatupu mai ai ni popolega pe ni fakapokepoke ki te haogalemu o tagata.
(ii) Ite tulaga e fai ai he ikuga ma te Pule fakatatau ki te palakalafa
(i) e tatau ke fakailia ki te **Tino Tautua Fakapitoa ina Tautuaga Tau te Ola Malolo** kua fai hana ikuga vena ma na mafuaga.
- (3) Kafai ko te Pule kua fai hana tonu ke fai he hukehukega kit e fakaaliga fakatatau kit e palakalafa ((1), pe tofia he komiti ke fai te hukehukega fakatatau kit e palakalafa (1), ko te Pule –
 - (i) e tatau lava ke fakamautinoa, e tuha ai ko na ma matakupu takitahi e fakahino ki ei, ko te **Tino Tautua Fakapitoa ina Tautuaga Tau te Ola Malolo** teia e patino ki ei te fakahinoga ma ko te tino teia kua fakailoa mai e ia e fakaauau pea te fakailoa ki ei te tulaga kua taunuku ki ei te fakahinoga;
 - (ii) e tatau lava ke tuku atu ki te **Tino Tautua Fakapitoa ina Tautuaga Tau te Ola Malolo** teia e patino ki ei te fakaaliga ma te tino fakailoa he taimi e lava ma talafeagai ke tuku mai ai ni a la pepa tuhituhia ma ke fakalogo ki ei e tuha ai ko na matakupu

o te fakaaliga, ma mo te kautu tena e tatau lava ke tuku atu ki te **Tino Tautua Fakapitoa ina Tautuaga Tau te Ola Malolo ma te tino fakailoa ni fakaaliga tuhituhia o –**

- (I) te aho mulimuli teia e tatau ke maua ai te pepa tuhituhia mai te **Tino Tautua Fakapitoa ina Tautuaga Tau te Ola Malolo** ma te tino fakailoa; ma
 - (II) te aho teia e mafai ai ke fakalogo ki na tino ieia e mafai ke fakalogo ki ei;
 - (III) e mafai ke mauagia ma ke kikila ki ei ko ni fakamaoniaga oni kupu tuhia, pepa, fakamatalaga pe ni matakupu ieia, ite lagona, e ono fehoahoani ki ei ke kikila totoka lelei ai kina matakupu o te hukehukega, pe ko te kupu tuhia tena, pepa, fakamaumauga, pe he matakupu e ono mafai ke fakaoga ihe fakamahinoga o te tulafono;
- (4) Fakatatau ki te palakalafa (3) ko te Pule pe ko te komiti na tofia e te Pule fakatatau ki te palakalafa (1) e tuhia e ia na auala e fakatino ai i tana kikila e talafeagai ai, fakatatau ki na tulafono o te mooni ma katoatoa o te fakatinoga o te amiontonu.

19 Toe Iloilo te Ikuga

- (1) Ko ho he tino kua fakanoanoa ona kua he hako he fakatinoga–
 - (i) Ihe ikuga na fai fakatatau kit e tulafono 18; pe
 - (ii) Ite he taliagia pe kua he fakatamala ke lehitala pe fakafou he lehitalaga o te tino teia ko he **Tino Tautua Fakapitoa ina Tautuaga Tau te Ola Malolo** fakatatau ki te tulafono 8 pe ko te tulafono 14,e mafai, e he ko tua mai o te mahina na tuku atu ait e ikuga, pen a lafo ai ki ei, ko te ikuga pe e he ko tua mai o te tolu mahina o te faia o he talohaga ke lehitala (pe fakafou he lehitalaga) na kave, talohaga ki te Pule p eke toe iloilo..
- (2) I te tulaga e fai ai he iloiloga ko te Pule e fai e ia te ikuga e kikila ia e talafeagai.

20 Togafitiga Tau te Ola Malolo I fafo atu o Tokelau

- (1) E heai he tino e kavekehe mai Tokelau mo ni togafitiga tau ola malolo kafai e he malie ki ei te tino tena, vagana ai ko te Malo Fakaauau ite kua maea o ana fakatalatalanoaga ma te Fakatonu o te Ola Malolo na fai ai te fakatonuga tena.
- (2) E heai he fakatonuga e fai fakatatau ki te palakalafa (1) vagana ai ko te Ulu Fakatonu o Tokelau na fakatalanoa ma kua fai na tukutukuga talafeagai kua fai mo te kikilaga o te tino tauale tenei i fafo o Tokelau.

Vaega Kehekehe (Miscellaneous)

21 Puipuiga i ni tukuakiga

E he tukuakia te Malo o Tokelau pe ko hana Kaukauna pe ko hona ofiha, ona ko te gaoioiga na fai pe heki faia, i he agaga lelei, mai te pulepulega o na Tulafono ienei.

22 Tiute o te Tino Tautua Fakapitoa ina Tautuaga Tau te Ola Malolo

E he afaina ai ie tahi Tulafono, e heai he moliaga ite va o ni tino pe he holigatulafono ina tulafono a te Ola Malolo teia, ite kikilaga lelei ma na hikili, fakatino he tautuaga tau te ola malolo ki ho he tino mo te lelei o te tino tauale, kafai ko te fakatinoga o te tautuaga tau te ola malolo nae katoatoa, ite kikila kit e tulaga eiei ai te tino tauale ite taimi ma na kikila kit e tulaga o te tino tauale ite taimi tena ma na tulaga uma o te matakupu.

23 Fakauigafakahehe

E heai he tino e fai hana mau ko ia he Tino Tautua Fakapitoa ina Tautuaga Tau te Ola Malolo ki he tautuaga patino pe fai he fakatinoga pe fai he mea e fakaali mai ai ko te tino e tautua pe e fofou ke tautua ko he Tino Tautua Fakapitoa ina Tautuaga Tau te Ola Malolo o te tautuaga patino tena vagana ai ko te tino e lehitala I lalo o na tulafono ienei ko he Tino Tautua Fakapitoa ina Tautuaga Tau te Ola Malolo.

24 Holigatulafono

Ho he tino e he uhitaki ma he amanakia ho he vaega o na Tulafono ienei,

pe fai he holigatulafono i na vaega o na Tulafono ienei ko heki iei ni hala e takua ai, e fakahala i he hala tupe e he hilia i te 3 iunite o fakahalaga.

25 Huiga

Ko na Tulafono o te Ola Malolo 2003 kua huia ite:

- (i) fakaheai o te tulafono 1 ma te 2; ma
 - (ii) kua tuku ki ei na tulafono ienei:
“ Ko na Tulafono Fakamua o te Ola Malolo”
-

Pepa Fakaopopo 1 – Ko na Tino Tautua Fakapitoa ina Tautuaga Tau te Ola Malolo kua fakatulafonogia fakatatau ki na tulafono ienei

Ko na tatuaga o te ola mamalo patino kua fakatulafonogia fakatatau ki na tulafono ienei ko ienei:

- (a) Medicine
- (b) Dentistry
- (c) Dental Hygiene and Dental Therapy
- (d) Nursing
- (e) Midwifery
- (f) Optometry and Optical Technicians
- (g) Pharmacy
- (h) Psychiatry
- (i) Physiotherapy
- Etc

Pepa Fakaopoopo 2 – Kua amanakiagia na atunuku ienei

Ko na atunuku ienei kua amanakigia mo te kautu o na Tulafono ienei ko ienei:

1. New Zealand
2. Australia
3. Samoa
4. Fiji
5. United Kingdom
6. Papua New Guinea
7. South Africa
8. France
9. Cuba
10. India
11. Japan
12. Germany
13. United States of America
14. Tonga (fomai na teine fomai)

Pepa Fakaopopo 3
PEPA FAKATUMU

Talohaga mo lehitalaga ko he Tino Tautua Fakapitoa ina Tautuaga Tau te

Ola MalolTino Tautua Fakapitoa ina Tautuaga Tau te Ola Malolo

Ki te Pule o te Ola Malolo i Tokelau (teia e gafa ma te taliagia o he tino tautua fakapitoa ina tautuaga tau te ola malolo ke galue i Tokelau)

1 Ko au (igoa katua o te tino talohaga) e talohaga atu ke lehitalagia ke tautua i Tokelau ko he Tino Tautua ite tautuaga patino ki (tulaga e patino ki ei na pepa fakamaoniaga o na akoakoga).

2 Ko oku pepa fakamaoniaga o na akoakoga ko ienei (fakapatino mai):

Itukaiga	Pepa	Tuku e:	Tauh ai
Fakamaonia			

3 Ko iloa ma oku poto mahani kin a tautuaga ko (tuhi mai na iloa patino) ko

Iloa ma Poto Mahani	Koga	Tauhaga

4 Ko oku pepa fakamaonia ina akoakoga e aloakia ite koga na tuku mai ai. Ko au ko heki ma e heai ni vaega e ono iei ai ni akoakoga e fai mai e tuha ai ko oku fakmaoniaga veia (tuhi manino ki loto).

5 Kopi kua fakamaonia ite haini e talafeagai ki te tuhi talohaga kua fakapipiki atu.

6 Tino ke molimau ki aku fakatinoga ko:

Igoa	Pepa Fakamaonia	Tuatuhi

7 Ko au e malie ko te Pule e fai ni ana hakilikiliga e kikila ia e talafeagai ke kikila ai ki te talohaga.

Saini e te tino talohaga

Aho

Tuatuhi e kaumai ki ei ni fehokotakiga

Pepa Fakaopoopo

- 1
- 2
- 3
- 4

Malo o Tokelau

Pepa Fakamaonia o te Lehitala

1 Ko au (tuhi katoa te igoa) kua lehitala ko he **Tino Tautua Ihe Tautuaga Patino ite Ola Malolo ite tautuaga patino ko (tuhi te tautuaga patino)** fakatatau kin a **Tulafono o te Ola Malolo 2018.**

2 E tuha ko

Ko te Lehitala e fakatatau kin a tukutukuga ienie...

PE

Ko te lehitala e he fakatatau ki ni tukutukuga fakapitoa.

3 Ko te lehitala e aloa mo

E tuha ko he 2 tauhaga mai te aho o te Tuhi tenei

PE (fakamanino te piliota e taikole ifo)

Mo te Pule o na Tino Fakapitoa e Tautua ini Tautuaga Patino tau te Ola Malolo

Hainia _____ Fakatonu o te Ola Malolo

Aho _____